

DE ABVS V PHLEBOTOMIAE

PETRI CASTELLI

ROMANI 12, 32, I, 26

Medici, & Profess. in Almæ Urbis Gymnasio.


*Opus utile, atque necessarium ijs Medicis, qui tutò
per sanguinis missionem mederi volunt.*

Coll. Ann.

Sci. Ann.

*Ca.
B.*

Ind. p.



ROMAE, Typis Francisci Corbelletti. MDCXXVIII.

SVPERIORVM PERMISSV.

11. 11.

ILLVSTR.^{MO} ET REV.^{MO}

PRINCIPI

FRANCISCO
BARBERINO

S. R. E. CARDINALI
AMPLISSIMO,

ET VRBANI VIII. P. O. M.
NEPOTI.

PETRVS CASTELLVS
Romanus Fælicitatem.



RDVA profectò res
est (Illustrissime Prin-
ceps) artificialis Medi-
cina . Neque enim qui
medetur, se ipsum tan-

tummodo præstare debet opportuna
agentem ; sed ægrum quoque , assi-
den-

dentes, & extrinsecus occurrentia omnia ad Medici nutum expedita esse, & se accommodare est opus. ἰατρός autem, (qui iurè artifex vniuersalis, & Magister dicitur, ob scientiarum omnium cognitionem, quibus imbutum esse, eum par est) vt sit aptus ὁ πρῶτος τῆς φύσεως desideratur in primis ille, (ad hoc, vt ex arte mederi possit) qui bonus φιλόσοφος est, clarè id Galeno probante in libro inscripto. Quod optimus Medicus; qui optimus Philosophus. Et dedecet ipsum in Anatomicis dissectionibus non esse versatum, dubitare enim quis posset, an partium situs, locaq; affecta nota habeat. Sed maximè eundem Astronomicis imbutum esse scientijs conuenit: vt de futuro morbi euentu aliquid certi prælagire valeat, ac tēpus agnoscat rectè offerendi remedia. Medicinæ verò partem illam Theoricam, quæ morborum essentias,

tias, differentias, causas, signa, atque indicationes, si non ad vnguem adeptus quis fuerit, medici nomen nullo merebitur pacto. Atqui nequè satis hæc sunt ad optimum constituendum Medicum; sed totidem etiam circa praxim in eo requiruntur dotes, & scientiæ: si quidem optimo artifice propriæ artis instrumenta ignorare non licet, quæ nil prorsus aliud sunt, quàm τὰ φάρμακα tum simplicia, tum etiam composita, quapropter simplicium cognitionem habere oportet Medicum, non Vegetabilium modò, sed etiam Mineralium, & Animalium: His vt accedat, etiam necessarium est, compositionum, & præparationum cognitio, vt vulgarium (quas communiter observant Pharmacopœi) ita quoque exquisitorum, (quas introduxerunt Chimici) Sed nequè his contentus esse potest

optimus Medicus, (tanta est Artis difficultas!) verùm Alimentorum vires, & præparationes exactè priùs considerasse eum conuenit, quàm victus rationem ægro præscribere audeat. Requiritur denique etiam Chirurgicæ operationis vsus, & scientia, vt perfectus in medendo euadat, nec in Phlebotomiæ præsertim vsu errata committat: quibus aptè instructus Medicus, si Scientiæ coniunxerit Exercitationem medicam, is procul dubio optimus erit iudicandus: alioquin altera tantùm parte præditus iurè claudicare dicetur.

Hæc omnia iam olim ego præmeditatus fui, & ideò diu noctuque, ac totis viribus conatus sum, cunctas Medicinæ partes commemoratas adipisci, vt in optimum (si per me fieri posset) euaderem medicum, nullis parcens laboribus, nullis expensis,
nullis

nullis periculis, quantum autem profecerim aliorum esto iudicium. Hoc vnum in memoriam reuocabo, adeò me Philosophiæ operam dedisse, vt meruerim onus fulcipere, te iubente (Illustriss. Princeps) eam publicè in Romano Gymnasio docendi. In Medicina autem, & Theorica, & practica quid ex triginta annorum laboribus consequutus sim, ex libris meis de Vomitu, de Suffumigijs, de Aquis Romanis, & ex Epistolarum decadibus X. ex consilijs, &c. cuique facile innotescet; nec minùs certè laboraui in Herbarum, ac fossilium inuestigatione, vti, tum edita, tum edenda Hippocratis materia Medica fidem faciunt. sed Animalium perscrutatio adeò mihi grata fuit, vt opus meum de Insectis ob rei difficultatem, & raritatem potius inuidiam, quàm laudem iam mihi parere sciam.

Intactas nec volui medicamento-
rum vtrasquè relinquere præparatio-
nes: Nã & de Duratione Medicamẽ-
torum, & Pharmaceuticam artem, &
Pharmaconomasticum, & Antidota-
rium amplissimum conscripsi, nec
non etiam Chemicas Quæstiones, &
alia multa.

Ex tot tantisque meis laboribus, ex
tot vigilijs, atque lucubrationibus, nil
aliud lucratus sum, nil mihi compa-
raui aliud, quàm detractiones multas,
inuidias, odia, & inimicitias eorum,
qui, quæ ipsi ignorant, alios etiam
ignorare cupiunt. Hæc munera! Hæc
præmia virtutis! hoc solamen labo-
rum! sed ita adhuc; aliud spes mihi
præfagit in futurũ. at figulus figulum
odit. Interim ego sub vmbra fausti,
foelicisque nominis tui (Card. Am-
plis.) recubans, detractationesque
nihili faciens de Abusu venæ sectio-
nis

nis breui libello agere decreui, ne
Iuuenes, à summa benignitate tua
mihi erudiendi concessi, in aliquem
circa ipsam incidant errorem: quod
à te (Principum Princeps) accipi
velim, vt grati animi mei signum ob
tot tantàque accepta beneficia. faxit
Deus, vt maiora etiam in me confer-
re velis, vt vales, ita ex animo Nesto-
reos tibi sanctissimoque Auunculo
tuo deprecabor annos.



Per-

Perillustri, & Reu.^{mo} D. D.
IVLIO MANCINO
SENENSI
S. D. N. V R B A N I VIII.
MEDICO A CVBICVLO,
PROTHONOTARIO APOSTOLICO,
ET CANÓNICO VATICANO.
PETRVS CASTELLVS ROMANVS S.P.D.



*U*l lites habent Iudicem
quarunt, & Iustum, &
Sapientem, et Propitium.
Mihi controuersia est de
sanguine mittendo, ad te
igitur iurè confugio; (admodum illust.
& Reueren. Mancine) equitas enim
tua suspensa non eget Hedera, quum adeò
nota omnibus sit, ut à me verbis extol-
li non debeat : si Sapientiam quero,
Medicorum sapientissimum te iudicauit
ille


ille, qui sua Sapiencia, & Dei gratia, in
sapientissimos dominatur, suae valetu-
dini te praefecit, atque tuae prudentiae eam
ipsam commendavit. Causa mea est
Medica, Medicum ideo aptè eligo Iudi-
cem. quem si propitium benignumque
pluribus in me collatis beneficijs hucus-
què nactus sum, eundem & in posterum
futurum spero. Te igitur quero (per
Illust. & Reueren. vir) estimatorem,
te Arbitrum eligo, & te constituo Iudi-
cem disceptationis huius meae de Abusu
Vena sectionis, in qua ostendere conatus
sum, quàm breuissimè, tum peccare eos,
qui nimis parcè, tum qui nimis abun-
danter sanguinem è Vena mittunt, con-
cedat medicinae creator summus Veri-
tati consentanea me proponere. Vale,
valetudinemq; tibi bonam seruet Diuus
Lucas Medicus, cuius hac die natalitia
colimus. Anno. 1628.

AD MEDICINAM ALLOQVVTIO

De Perill. & Excell.^{mo} D. D. Petro Castello
Romano, Philosopho, & Medico præclarissi-
mo, Chimiæ, & Botanicæ peritissimo, ac in
Almæ Urbis Gymn. profess. dignis.
Præceptoriq. suo cariss.

MICHAELIS MASSINI CHIENSIS.

Ἰδρὶς ἀκεσομένη χαίροις παυπέρῳ χεῖρ' ἔχον
τῶν ἀσκληπιαδῶν δία ἐπαγγελίην
Ἀντιπάλῳ μὴ πτώσῃς τεοῦς πλέον, ἀπτοῖς ἔστι
Ἀκροπόλῃσι ἑσθ' αἰετὰ σάσα Πέτρε.
Οὐκ ἐνόησες ὅπως τόγε νῦν ὑπερήσπισεν ἡρῶς
σεῖο; τὸν υβριστὴν παύσαν ἐλεγχάμενος;
Ὅς δ' ἀθυροσομένων φάσκει καλὸν ἔξοχεν εἶναι
ἐκφλεβὸς ἀρρώσων ἀπλετον αἷμα ἄρυσιν,
Ὡς προμαχῶν προμάχισε Πέτρος μεγαλῶνιμος ἀνὴρ
ἐκ ἄρ' αἵμα μάτ' τοῖν ἔτχεν ἐπ' ἀνυμνίην.



INDEX.

A



- Bortus à phlebotomia . 63. 64.*
Aetas quantitatem phleb. determinat . 36. 38.
Aluus exiccatur à nimia phlebot. 66. 67. 68.
Aluus humectatur à nimia phleb. 59. 66. 67.
Antiquorum quorundam peccatum . 3.
Arabes accusati à Trullerio . 5.
Arabes auxerunt Medicinam . 7.
Arabes benignè exceperunt Gracos . 5.
Arabum doctrina . 7.
Arabes facti Hispani . 6.
Arabes non esse Erasistrateos . 9.
Arabes mittunt sang. ad Syncopem . 10.
Arabes vtuntur saepe phleb. 10.
Auerroes audacior Galeno in phleb. 11.
Auerroes, & Galenus vniuntur . 11.
Auerroes reprehendit Galenum . 11.
Auerroes timet syncopem à phleb. 11. 12. 54.
Auicennas dicens Caue cum Hipp. loquitur . 12. 95.
Auicenna explicatur . 65.
Auicenna libri mirabiles . 8.
Auicenna libri in omnibus Gymnasijs explicatur . 9.
Auic. libri soli sufficiunt ad optimum medicum . 8.
Auicenna omnia desumit à Gracis . 4.

Aui-

I N D E X.

Auicenna quando latinè redditus. 6.

Auicenna sequitur Gal. 4. 70. 73. 75.

Auicenna sequitur Hipp. 64. 65. 74.

B

Bilis ebullitio fit à pblebot. 74. 75. 77. 78.

Bilis prohibet Venæ sectionem. 74. 75.

Bonus sanguis exiguus prohibet pbleb. 73.

C

Cachexia à nimia pblebot. 61. 63. 93.

Carnes habent calorem à sanguine. 50.

Ciborum fastidium prohibet pblebot. 87. 88.

Concoctio debilitatur à pblebot. 59. 60.

Conuulsio à pblebotomia. 53.

Copiosa pbleb. corpus refrigerat. 50. 79.

Copiosa pbleb. semper nocet. 50.

Cor. Celsus explicatur. 71.

Crisis impeditur à pbleb. 60. 61.

Crisis tarda in pueris. 25.

Cruditas prohibet pbleb. 71. 79.

Cutis rarior viris. 30. 31.

D

Decimus quartus annus nullam vim habet. 32.

Decolores non purgandi. 52.

Delirium à fluxu sanguinis. 57.

I N D E X.

E

- E**rasistratus existimatus Hippocrati par. 56.
 Erasistrati experimenta. 55.
 Erasistratei Romæ exules. 16.
 Erasistratei sang. non mittentes. 4. 44.
 Erasistratei sang. copiosè mittentes. 4. 44.
 Euacuatio ad syncopem, qua requirat. 54.
 Euacuatio naturalis sæpè non sufficit. 25.
 Euacuationis copiosæ nocumenta. 56.
 Exanguis quid sit. 52.
 Excedens phlebotomia damnatur. 59.
 Excessus venæ sectionis nocumenta. 43.
 Experientiæ cuiusdam Medici non facilè credendum. 55. 78. 95.
 Experientia omnium Romanorum certâ. 56. 90. 91.

F

- F**ebres quædam non ferunt phleb. 76. 77. 78. 79.
 Fernelius pleraque transcripsit ab Auic. 6. 77.
 Frigiditas ob venæ sectionem damnatur. 50. 51.

G

- G**alenus confusus. 8.
 Galenus contra Erasistrateos scripsit. 4. 39.
 Galenus de quantitate sang. explicatur. 37.
 Galenus explicatur. 36. 71. 80.
 Galenus se explicat. 38.

Gale-

I N D E X.

Galenus pueris prohibet copiosam phleb. 38.
Galenus vnitur cum Auerroee. 12.
Galenus locus 11. meth. reijcitur. 34.
Galenus locus 4. Acut. explicatur. 34.
Galenus metus. 51.
Galenus ratio soluitur. 24.

H

H *Aemophobi, qui fuerint primi.* 3. 4.
Hamorrhagia in pueris. 20.
Hippocrates explicatur. 64.
Hipp. locus 4. Acut. explicatur. 35.
Historia sanguinis multum emissi. 63.
Humores frigidi recrudescunt à phleb. 74. 79.
Hydrops à nimia phlebotomia. 61. 62. 63.
Hydropi nocet phleb. 69.
Hypocondria tripliciter inflantur. 89.

I

I *Nedia non aufert plethoram.* 26.
Inedia non corrigit vitia sanguinis. 35.
In statu morborum non mittitur sanguis. 61.
Iubertus Gallus non probat multam phleb. 55.

L

L *Egenda qua sint.* 55.
Libri Auicenna leguntur publicè. 9.
Libros Auicenna explanant doctissimi viri. 9.
Medi-

I N D E X:

M

- M**edicina ab Arabibus aucta. 5.
 Medici mali quales. 2.
 Medici Romani præclarissimi. 51. 16.
 Medicus minister natura. 19.
 Menstrua octauo anno. 21.
 Menstrua quinto anno. 21.
 Menstruorum retentorum nocumenta. 41.
 Menstruata non secatur vena. 69. 70.
 Menstruata quando secatur vena. 10.
 Mollia corpora non dissoluuntur perspiratione. 32.
 Morbi magnitudo qualem indicat phleb. 35. 72.
 Mors acceleratur à Phleb. 57. 58. 59.
 Mulieres Romana faciunt secare venam pueris
 sine Medico. 15.

N

- N**ocumentum. 1. à phlebotomia est corporis re-
 frigeratio. 50.
 Nocum. 2. à phleb. est decoloratio corporis. 52.
 Nocum. 3. à phleb. Obsecatio, & surditas. 32.
 Nocum. 4. à phleb. Nervorum læsio. 53.
 Nocum. 5. à phleb. syncope. 53.
 Nocum. 6. à phleb. læsio facultatis animalis. 57.
 Nocum. 7. à phleb. Senectus, & Mors accelera-
 ta. 57.
 Nocum. 8. à phleb. debilitas corporis, & coctionis. 59
 Nocum. 9. à phleb. Cachexia, & Hidrops. 61.

I N D E X.

- Nocum.* 10. à pbleb. *Abortus* . 63.
Nocum. 11. à pbleb. in *Apostematum principio*. 64.
Noeum. 12. à pbleb. *Alui astrictio* . 66.
Nocum. 13. à pbleb. *lesio menstruatarum* . 69.
Nocum. 14. a pbleb. *humorum crudorum inconco-*
ctio. 70.
Nocū. 15. à pbleb. *euacuatio sanguinis pauci boni*. 73
Nocum. 16. à pbleb. *bilis ebullitio*. 74.
Nocum. 17. à pbleb. *Pituita congelatio*. 79.
Nocum. 18. *Mors pleuriticorum*. 82.
Nocum. 19. *cibi fastidium , & Ventriculi debili-*
tas. 87.
Nocum. 20. *lesio eorum, quibus tumidum Hypocon-*
drium est. 89.
Nocum. 21. *longa conualescentia*. 90.
Nocum. 22. *Articularium morborum augmen-*
tum. 90.
Nocum. 23. à pbleb. *Quia putredinem non tollit*. 91.
Nocum. 24. à pbleb. *post coitum nocet*. 92.
Nocum. 25. à pbleb. *inducit sterilitatem*. 93.

O

- O** *Culorum acies habetatur à pbleb.* 52.
Omissa vena sectio Athletis nocet. 40.
Omissa pbleb. nocet in febribus quibusdam. 42.
Omissa pbleb. nocet hemorrhoidibus clausis. 41.
Omissa pbleb. nocet mulieri sine mensstruis. 40.

I N D E X.

P

- P** *Arifienses ferunt melius phlebot.* 87.
Parisiensis schola utitur medicamentis Ara-
bum. 6.
Pauperes à Medico occiduntur phleb. 96.
Phlebotomia præstantia. 1.
Phlebotomia nocumenta. 2.
Phlebotomia optima pro pueris. 18.
Phlebotomia tutior purgatione. 22. 23.
Phleb. humores subtiliat. 65. 66. 84.
Phleb. humores prauos sano sang. miscet. 64. 65.
 83.
Phleb. humores malos per corpus fluere facit. 64.
 65. 78. 83.
Philemates temerarij. 43.
Pleuritis à tenui bile leditur à phleb. 84. 85. 87.
Pleuritis à flatu leditur à phleb. 83. 84.
Pleuritis à pituita crassa leditur à phleb. 83. 84.
Pleuritis cum sputo sang. leditur à phleb. 84. 85.
 87.
Pleuritis levis non requirit phleb. 82. 87.
Pleuritis sine dolore ad Claviculam non tollitur
phleb. 86.
Pleuritis falsa leditur à phleb. 82.
Pleuriticis omnibus non conuenit phleb. 85. 86.
Prægnanti non secatur vena. 69.
Pueri abundant sanguine. 19.
Pueris non secatur venam Gal. 13. 17.
Pueris mittit sang. Hipp. 14.

I N D E X.

Pueris peccat sang. 19.

Pueris fiunt Crises per hæmorrhagiam. 19.22.

Pueris fit pauca resolutio.28.29.31.

Pueri ferunt pbleb. 22.

Pueri ferunt purgationes.22.23.24.

Pueris cutis densa. 29.30.31.

Pueri, Eunuchi, fœmina conueniunt.27.

Pueri Romani vinum potant. 39.

Puerorum euacuatio insita non prohibet morbi generationem. 25.

Puerorum temperies non impedit pbleb. 25.

Puella 9. annorum Vtero gestantes. 21.

Puella sanata hæmorrhagia narium. 20.

Pulsus in Syncope.53.

Q

Q *Viescendum est in Vigore morbi. 60. 61.*

Qualis cruditas permittit pbleb. 81.

R

R *Efrigeratio à spirituum inopia fit.50.*

Resolutio naturalis non corrigit vitia sanguinis. 35.

Resolutio copiosior fit in Iuuenibus,quam in pueris. 27.29. 31.

Reuulsio fit à pbleb. 67.69.70.

Roma vena sectio minus conuenit.87,

Romani Medici audaciores Galeno. 14.

Romani Medici odio habent abusum pbleb. 17.

Roma-

I N D E X.

Romani Medici secant Venam infantibus . 14.
15.

Romani Medici sapienter audaces. 13.

Romani Medici sequuntur Celsum. 14.

Romani Medici sequuntur Hipp. & Gal. 17.

Romanorum Medicorum praestantia. 12.

S

S *Anguis à copia grauatus refrigeratur. 81.*

Sang. bonus si paucus est non mittatur . 73.
76.

Sang. missio conueniens non metuenda. 11.

Sanguis mittendus cum est opus. 18.

Sanguinis missio humores subtiliat. 64.

Sang. missio humores ducit per corpus . 64.

Sang. missio humores prauos sano sanguini miscet.
64.

Sang. missio non conuenit in principijs Apostema-
tum . 64.

Sang. penuria Vitia. 59.

Sanguinis qualitates. 77.

Schola Parisiensis defenditur . 43.

Schola Parisiensis non secant venam bile peccan-
te. 77.

Scholares Parisienses admonentur. 85.

Schola Romana Alumni quales. 13.

Seneectus acceleratur à pbleb. 57. 58. 93.

Sepulcretum Auctoris. 62.

Singultus à pbleb. 53.

Sputum in pleuritide reuellitur à pbleb. 85.

Ste-

I N D E X.

Sterilitas à pbleb. 93.

Surditas à sang.euacuatione. 53.

Sufius Hamophobus. 13.

Sufius notatur. 79.

*Syluatici Argumentum non pblebotomandi pue-
ros.* 17.

Syluatici Argumentum soluitur. 35.

Syncope timetur ab Auerroë. 12. 54.

Syncope timetur à Galeno. 12.

Syncope fit à pbleb. 54.

Syncope à pbleb.aliquot mortui. 55.

T

T*Emperamentum puerorum non prohibet pble-
bot.* 27. 33.

*Temperamentum Mulierum, & Eunuchorum, ac
puerorum simile.* 33.

Torpida perfrigerationi pbleb.nocet. 51.

Tremor à fluxu sanguinis. 53.

V

V*Eloxi morbus tollitur veloci remedio.* 26.

Veneris nocumenta. 92. 93.

Venus siccat. 68.

Vena sectio conuenit pueris. 21. 22.

Vena sectio per accidens refrigerat.

Ventriculo nocet pbleb. 84. 87. 88.

Vires attendendas voluit Hipp. 36.

Vires puerorum valida ad pbleb. 27. 32.

Vires

I N D E X.

Vires puerorum minuunt copiam sang. detrahendi.

33.

Vires debiles non ferunt pbleb. 92.

Virium robur non est cum cruditate. 72. 79. 81.

Virtus debilitatur à pbleb. 66.

Vomitùs supprimit aluum. 68.

Vrina biliosa qualis est. 76.

F I N I S.



E R R A T A.

<i>Pag.</i>	<i>Lin.</i>		<i>Lege</i>
6	6	Languius	Langius
8	9	perfectò	perfectò
12	6	num. 1.	num 5.
28	12	retinere	retineri
34	13	abtinenter	abstinenter
42	6	moriri	mori
44	7	veriare	variare
59	25	fanguinis	fanguis
65	21	V. S.	V. G.
66	4	quod	qui
73	13	adeſto	adeſtote
95	12	ſæpa	ſæpè

Alia Lector amicus emendet.

I
AD STUDIOSISSIMOS
IN ALMÆ VRBIS
GYMNASIO
MEDICINÆ
CANDIDATOS.

PETRVS CASTELLVS ROMANVS
eiusdem Gymnasij Professor S.



NVLVM profectò (ornatissimi Iuvenes) citius, præstantiusquè in Medica arte remedium ipsa Phlebotomia haberi posse videtur: hoc siquidem quasi repentè exoptatam adipiscimur sanitatem, si, prout Artis præcepta, & dogmata iubent, adhibeatur. Contra tamen, his ignoratis, & in abusum si conuersum fuerit, non salus, sed perniciēs præstò erit. Et quod doctissimus ille de Pharmacia edixit, esse nimirum veluti nouaculam acutam, quæ in manu Pueri, vel insipientis inutilis, ac nocua omninò est etiam ipsi tractanti, à sapienti autem viro adhibita ad plurimum utilis fit. Nos idem de Chirurgico hoc opere dicere aptè possumus: Phlebotomia nempe, si

Phlebotomia diuersus vsus.

in bonum Medicinæ vsum trahatur ab Erudito Medico, certam pollicetur ægrotanti sanitatem: si verò quis, qui genuinas normas, verumq; phlebotomiæ vsum ignoret, eam adhibere voluerit, pro sanitate mortem inducet. Prauum phlebotomiæ vtendi modum *Abusum* vocamus. *Vsum* verò, quum rectè adhibetur. Vt igitur Vos Alumni Scholæ Romanæ omnium nobilissimæ, Eruditissimæque cauere possitis Abusus, qui in Venæ sectione patratur; sciatisque Verum, & legitimum ipsius vsum, duabus hisce Epistolis decreui Vsum, & Abusum phlebotomiæ ostendere; & primo quidem Abusum explicabo, vt cognoscatis, antequam oculos vobis semper sint (studiosissimi iuvenes) pericula imminencia à praua venæ sectione, & nè à vobis petentium sanitatem ægrotum Homicidæ potius, quàm seruatores sitis, eo potissimum opere, à quò rectè imperato, quod desiderabatis impetrare potuissetis, maiorum, indoctorumque Medicorum morè, qui lucro intenti, nec studijs operam nauant, nec in morbis requisitas indicationes norunt, putantque sola phlebotomia omnes depelli posse morbos; quod de facto accidit, quum, & morbum, & vitam eodem tempore ab ægrotante tollant. Et se Medicos venditant! Equidem pro certò habeo, quod si à me scribenda attento animo legeritis, & exactè consideraueritis, memorizque mandaueritis, fore, vt in curandis ægrotantibus, adhibendaque sanguinis

missio.

Occasio
scribendi,

Adhorta-
tio ad di-
scipulos.

missione admodum cauti, ac circumspecti futuri sitis: tradam enim exactam priscorum Medicorum doctrinam, necnō communem Illustris Scholæ Romanæ vsum ipsa in phlebotomia adhibenda. Qui, quæso, tutò curabit Medicus, abusus suæ artis præstantissimo instrumento? cuius peccatum quodlibet circa excessum, defectum, locū, tempus, modum, numerum, &c. certissimam affert necem? aggrediar igitur alacriter prauæ Venæ sectionis explicanda nocumenta, in vestram gratiam (nobilissimi adolescentes) simul etiam afferam quædam Eruditioribus non ingrata futura.

Incumbendum igitur est toto animo, & studio omni in sermonem περὶ κατὰ χυμῶσις τῆς φλεβοτομίας. Duplex autem est Abusus circa venæ sectionem, aut enim est ἐλλειψις, aut ὑπερβολή. de Defectu prius, posterius verò de excessu agam.

περὶ ἐλλειψις

PEcceauerunt non pauci antiqui Medici venæ sectionem in suis ægrotantibus omit- tentes. Arisippo enim Anidio primū auctore de explodendo venæ sectionis vſu dogma suscitatum est; Galeno teste de Venæ s. ad Erasistratum. cap. 2. Crisippus autem Cnidius (ut inquit idem de cu. ra. per sang. m. cap. 2.) venæ incisionem ex omni medicinalium præsidiorum numero tollendam censuit. Secuti hunc sunt sui discipuli, & ipsi apud Græcos

Qui fuerint hæmophobi.

clari, Medius, & Aristogenes. His etiam magis Erasistratus, ad summos euectus honores Chryssippi seruauit sententiam, habuitque affectas, discipulosque plurimos, vt Apocremantem, Stratonem, & alios. Cōtra quos *ἀντιδόξους*, seu sanguifugos duobus, seu potius tribus libris disputauit Galenus. Atque plurimos Romæ existentes Erasistrateos adeò debellauit, vt mutata sententia, relictæq; sanguinis auersione in contrarium iuerint vitium, carnificesque cruenti fuerint redditi, vndè à Galeno iterum reprehenduntur de Venæ sect. ad Erasistrateos. tum cap. 1. tum 6. tum deniquè ultimo. eo, quod nimis temerè, nimisque damnosè ipsum emiserint sanguinem. Verum autem, & liberalem, sed non prodigum, nec auarum, mittendi sanguinis vsum aureo libello nos docuit ipse Galenus, quem Arabes Medici totis viribus imitari conati sunt, præsertim verò Auicennas eorum princeps, qui ad vnguem ferè omnia quæcumque à Galeno, & Hipp. de Venæ sectione tradita fuere in suum caput de Phlebotomia transtulit, neque ab illis enquam recessit, nisi magna vi coactus; itaque Auicennæ Opus nil aliud est, quàm Hipp. & Galeni monumenta mutato ordine in linguam Arabicam translata; & deploranda quidem est, non autem accusanda, calamitas illa, quæ in Versionibus Arabum scriptorum contigit, nempe in latinum sermonem fuisse conuersa ab interpretibus, barbarè admodum loquentibus

Erasistra-
tei conuer-
si à Gale-
no.

tibus. an quia barbara sit latina versio culpandus est Arabicè scribens? quare mirari subit de ijs omni impetu in Arabes irruētibus, atque scribentibus. *Artes omnes liberales, & scientiæ, & Medicina in primis in Arabum, aliorumq; Barbarorum manus inciderunt, à quibus erroribus infinitis deturpata est, adeò, ut nullum pristini decoris vestigium in ea agnosci possit, inter quos, et Erasistratea illa Hemophobia iterum ab inferis in lucem reuocata.* adduntque Medicinam Barbarorum Tyrannide oppressam à neotericis in libertatem esse redactam, & alia similis censis, ex quibus pauca nunc confutanda eligere placuit.

Arabes
accusati.

Sciant autem Discipuli mei Medicinam nunquam fuisse Tyrannicè ab Arabibus depressam; sed liberam, & in maxima dignitate, atque veneratione apud ipsos extitisse, atque diligentissimè fuisse excoltam, ac exornatam magnificè: imò quùm aliæ nationes eam Tyrannicè opprimebant, quando nimirum ea ipsa, sine Hippocratis, sine Galeni, ac sine alterius magni viri legibus abutebantur, illa consultò, & cogitatò ad Persas primùm, vbi erat Auicenna, deinde ad Hispanos, inter quos Auerroes Cordubensis erat, confugit; vbi gentium erant Medici Arabes; & simul commigrarunt Hippocrates, Galenus, cæteriq; Græci, atque tutissimò sese receperunt, benignè autem ab illis primò accepti fuere, postea Hispani amplexati sunt eosdem, adeò, ut breui ciues

Arabes in
Hispania
Mauri dicti.

Hispanoarabes declamati fuerint, vbi, quum iam Arabicè loquerentur Hipp. atque Galenus; huiusmodi loquendi modum deserere, ceperunt non multò post: quoniam Toleti Gerardus Cremonensis Auicennam latinè reddidit, vt refert Languius lib. 2. Ep. 2. ac tandem in Hispania tam Auicennas, & Arabes, quàm Hipp. Gal. & cæteri Græcipermanferunt pacificè: priuata interim Gallia, priuata Germania, nec non iucunda Italia etiam orbata, præclaris Medicinæ luminibus, optima Medicina, vt potè exulibus Hippocrate, Galeno, cæterisque veteranis ducibus. Adeò autem diligenter exulta fuit apud Arabes; adeò tandem apud Iberos adoleuit Medicina, & philosophia; vt vtramque dimidio propemodum auctam fuisse certissimò dicendum sit, quod nolint, velint alij, fateri oportet. Immo Parisiensis schola, quam *Arabes in æternum proscriptisse*, dicit quidam, vtitur omninò Arabum inuentis, scilicet medicamentis ab arabibus inuentis, & ad nos comportatis, neque ipsi mentiri licet, etiamsi palam id fateri erubescat, nec mirum, quia Arabes illi Medici præstantissimi fuere, vel Hispani, vel ab Hispanis accepti. Verùm exactè consideranti innotescet Fernelium Gallum doctissimum in suis operibus, vt plurimum Auicennæ verba, transtulisse in elegantiorē loquendi modum, & sic suum doctissimum librum confluxisse. Nos tamē nunc Medici omnes (si verum fateri veli-

Schola Parisiensis
vtitur Medicis
suis antiochiano.

Arabum medicorum
præstantia.

velimus) discipuli , sequacesque sumus Arabum in ea Medicinæ parte, quæ medicamenta complectitur : habendæ igitur à nobis sunt gratiæ , agendæque etiam Mauritanis pro beneficjs, ac pharmacis benignis acceptis , nec non pro exhibito hospitio Hippocrati nostro, Aristoteli , atque Galeno in exilium à cæteris nationibus eiectis . Non igitur Tyranni , non scientiarum corruptores, nec Barbari nuncupandi, cum barbaries non sit, vbi scientiarum cupiditas, & possessio est. sed summis laudibus ornandi , quod si quandoque Arabes errauerunt, erant homines, sunt excusandi. Nā etiam Medicinæ parens Hippocrates ingenuè fassus est aliquoties, se errasse, deceptum se fuisse .

Deinde asseram Arabes Medicos non vitiasse medicinam, sed auxisse , & ornasse ; etenim Galenam præceptorem agnoscunt , sequè istius sequaces prædicant, Galenicam methodam , atque doctrinam profitentur omnes , omniaque Græcorum recipiunt axiomata , atque præcepta mirantur , ac venerantur : si quæ autem sunt in Galeno , quæ illis minus probabilia visa fuere , vel aliter in suis regionibus euenire conspexerint, viriliter corrigere, & in aptiorem sententiam reducere conantur : Neque ob hæc , si quando Auicennas à Galeno præceptore ad meliorem opinionem descinit, tot iniurijs afficiendus est , neque omnino deferendus . In Hippocrate nonnulla

Arabes
auxerunt
Medicinā

Arabum
doctrinā

Auicenna
Eruditio.

Galenus
confusus.

ptorem arguit. Quot opiniones novas Ferne-
lius Gallus protulit? quot Cardanus contra
Galenum sententias exarauit? quot Vesalius
Galenii errata confutauit? annè propter hæc
Galenus, Aristoteles, & alij exilio perpetuo
multandi erunt? inter horrendas spinas etiam
nascuntur rosæ. si Auicennæ methodus in-
tradenda medica arte consideretur æquo ani-
mo, reperietur perfectò mirabilis, vt potè in-
cludens omne morborum genus, omnia me-
dicamenta, omnia tum circa Theoricam, tum
etiam praxim scitu digna, atque omnes me-
dicinæ partes, suo quasque loco commodè, ac
dilucidè dispositas; & simul etiam breuiter
descriptas, complectens. Quum tamen nun-
quam satis laudatus Galenus sparsim, confu-
sè, & verbosè nimis doctrinam suam tradidè-
rit, aptam potius (dicere ausim) confundere
legentium mentem, quàm docere, etiam si op-
tima, & admiranda sit. At quid, quæso, est in
Galeno, quod in Auicenna desideretur? annè
multa in hoc leguntur, de quibus ne verbum
quidem fecit Galenus? nil certè boni in Ga-
leni libris est repertum, quod Auic. in suum
opus non transtulerit. Dicere non erubesco,
me solo Auicennæ codice cæteris medicis scri-
ptoribus sublati, medicinam rectè, vtiliterq;
facere, vt auderè, fore; cum tamen solo Hipp.
opere, Galeni uè solis monumentis diffidam
tutò, iucundè, atque celeriter mederi me posse.
Valeant etiam auctoritate Italicæ Academiæ,
quæ

quæ Auicennam publicè explicandum iubent, opera nempe viri in medica arte tradenda insignis, & Hippocrate, Galenoque exceptis, nemini eruditione, diligentiaque cedentis, & tanti Auicennam fecerunt Italicæ Academiæ, quæ in Europa primatum tenent, ut à Theoricis explicari voluerint tam Auicennæ primam fen. quàm Gal. artem paruum, & Hipp. aphorismos: à practicis verò tum in febribus, tum in particularibus tradendis morbis solam Auicennæ methodum sequendâ iusserint. Auicennæ, & Arabum etiam dignitatem confirmant Eruditissimi viri, qui in ipsis dilucidandis se exercuerunt, quales Vgo Senensis, Gentilis, Petrus Aponensis. Iac. de Partibus. Dinus. postea verò Costæus, Syluius, Trincauellius, Montanus, Capiuacceus, & alij propemodum infiniti, qui autem leuitate quadam animi moti (quales sūt auctores nouæ Academiæ florēt.) nullo veritatis amore ducti, sanoque iudicio haud præditi, Auicennam, ceterosque Arabes aggrediuntur atrocioribus verbis, hostesq; sibi fingunt, & minimè reprehendenda notant, temeritatis suæ pœnas citò luunt, exoleti enim istorum diſſidia, inaptæque iurgia ad fallamentarios delegantur, triumphante adhuc Auicenna, qui viuit, colitur, doctorumque manibus diu, noctuue teritur.

Auicennæ
opera pu-
blicæ le-
gantur.

Minimè autem verum esse, cuiuslibet patet, quod dictum fuit Erasistrateam Hæmophobiam iterum ab inferis in lucem ab Arabibus reuo-

Arabes nō
sunt Erasī-
stratei.

reuocaram fuisse : nullibi enim legi Auicennam, vel Rasim, vel Haliabbatem, vel Auenzoarem, vel Isaacum, vel Auerroem, vel Serapionem, vel Mesuem, vel alium quemuis Arabem scriptorem medicum, qui, vti Erasistrateus phlebotomiam omnino prohiberet: sed è contra ea sapissime videntes ex ipsorum scriptis cognoui. Imò Auicenna 4. 1. cap. de Phlebotomia. multa pulcherrima ibi docet à Galeno intacta, & sanguinem vsque ad syncopim emitti concedit virtute forti existente, in synochis febribus, in principio apoplexiæ, in synanche, & in magnis apostematibus, perniciosis, & fortibus doloribus, quod repetit capitibus proprijs, vt 1. 4. de feb. sang. 1. 3. de Apoplex. & 9. 3. de cura præfocationum, & alibi. Præterea prægnantibus & menstruatīs vrgente necessitate, vt sputo sanguinis concedit sanguinis missionem : deinde arguit dicentes post quartam diem nō esse phlebotomandum, & subdit etiam per 40. dies id licere. ita Hallabas quoque 3. prac. c. 16. in feb. cont. sanguinem ad animi defectū vsque mitti iubet ; quod idem tum prædicti Arabes, tum etiam ipsorum sequaces vno ore faciendum esse consulunt. Est nē hæc tanta sanguinis missio dicenda *αιμορροια*, Erasistrateæ desipientia ? iudicate vos iuuenes. Addam Auerroem scribentem 7. colliget. cap. 3. *Auenzoar suum filium trium annorum a morte liberaſſe ſecta vena.* & cap. 4. contra Hipp. egit, quandoque

Arabes sã-
guinē mī-
tunt copio-
ſe.

doque , dicens , prægnantem ferre venæ sectionem sine incommodo , neque vllum puto futurum , qui hunc sanguifugum vocet , sed potius Galeno , Susioquè audaciorem in sanguine mittendo .

Obijciat fortasse aliquis Auer. 7. Colliget. c. 8. reprehendit Galenum sanguinem mitti iubentem vsque ad syncopim , quo patet timuisse sanguinis missionem. Auic. autem cap. de phlebotomia sæpe , & sæpius inculcat , & iterat *Cave, Cave* , quo patet fuisse timidum in sanguine mittendo , dum toties venæ sectionem cauet , & prohibet .

Obiectio .

Responderé aliud esse timere conueniētem , & moderatam sanguinis missionem , aliud verò timere intempestiuam , & excedentem : hoc est sapientis viri , expertiquè medici , illud verò timidi , inexperti , & fœminei habitus . è contra verò illam non timent Eruditi medici , posteriores verò non timent carnifices . Auerroem autem timuisse sanguinis missionem per se ipsam nunquam concedam , sed ipsam syncopem ; est enim affectio praua , & mortis prænuncium , igitur cum Auerr. vt supra dixi , sanguinem copiosè emitti permittat , & ideo nullo pacto Hæmophobus nuncupari possit , rectè est intelligendus ; & cum Galeno vniendus : differunt enim termino , & nomine tantum . dicemus autem Galenum loquutum esse de sanguinis missione faciendâ vsque ad syncopem , exclusiue tamèn , antequam syncopis succedat ,

Solutio .

Auer. cum Galeno vnitur.

dat, sed tantum sit in propinquo. Auer. autem non vituperat talem sanguinis missionem, sed eam, quæ etiam ulterius processit, & syncope ipsam inclusit, timet ergo ipsam syncope Auer. nam timuit etiam ipsam Gal. ut infra ostendam num. 1. nocumentorum. siquidem non expetitur syncope pro Curatione synochi, sed magna sanguinis euacuatio, cuius signum est imminens syncope, patet igitur Auerr. cum Galeno consentire, ita ut dicere possimus cum Theocrito Eidyllion. 17.

Iuppiter, et
Iuno lecti
venere in
eundem.

Εν δὲ λέχῳ σόρυσιν ἰαύειν Ζηῆ καὶ Ἥρῃ

Et ex his iam patuit Arabes non fuisse αἰμοφόβους, nec Erasistrateos, nec peccasse illo venæ sectionis *Abusu*, qui circa ἐκλείψιν committitur, quod si ubi periculum imminet Avic. dixit *caute*, non sine ratione id protulit: Nam semper cum Hipp. & Gal. loquitur, ut clarè ostendam, & ille nil temere agendum, inquit, ergò caute.

Romanorum
Medicorum
Doctrina.

Modò mirari subit Præclarissimorum Romanorum Medicorum in secunda vena prudentiam, qui Hippocratis præceptis instructi, Galeniq; τῆς μεθόδου non ignari, suis scopis, atque exactè consideratis indicationibus in morborum tractatione semper utuntur, ex quo fit, ut, nec casu, nec consuetudine quadam cæca ad phlebotomiam deueniant; sed optimè præmeditati. Hinc nec auari, nec prodigi; sed honesti, liberalesque in sanguine mittendo conspiciuntur; Hinc etiam fit ut
mini-

minime, appellari possint αἰμοφόροι, sicut neque è contra φιλαίματοι sunt. tales ergo sunt scholæ Romanæ Alūni, & si qui fortè fuerint in Vrbe maxima aliter agentes, & à tali optima consuetudine deflecentes, non sunt Romanæ Scholæ Alumni. Immo tantum abest, quod Romana Schola sanguifuga dici possit, ut potius effari audeam, si Romam Galeno iterum accedere liceret; non modo nullos, quos reprehenderet reperturum Erasistrateos; sed fore, ut maximè miraretur Romanorum nunc in sanguine mittendo sapientem audaciam, & fortè in se ipso agnosceret quandam haud parvam timiditatis notam.

Romani audaciores Galeno.

Considerare vos vellem ab Hipp. scriptum fuisse. 4. de Vic. acut. t. 19. mittendum esse sanguinem *si vigeat egrotantis ætas*. & in com. à Gal. expressum esse. *Neque enim puer, neque senex sanguinis sustinere detractionem, etiam si morbus, quo ipsi laborauerint, magnus fuerit*. ita de subfig. Emp. c. 6. noluit puero pleurítico venam incidi, & 11. meth. cap. 14. nec Synocho affecto concessit. quem sequuntur Græci auctores, & ipse quoque Sylvaticus contr. 88. nec non Sufius cap. 7. pag. 65. his verbis eandem sententiam exponens. *Nullum ex ipsis pueris detractione sanguinis curabimus, qui decimum quartum ætatis annum non attingat*. quod certè assumpsit à Gal. de cur. ratione per s. m. 13. Papæ, quid audio! Ecce Hipp. ecce Galenus, ecce Sufius, αἰμοφόροι faci, Erasistratei

Galen. non sciat Vena pueris.

stratei nuncupandi ! timentes ante quartum
decimum annum sanguinem ægrotantibus
mittere .

Romani
mittunt
sanguinem
pueris .

At inspicite modo , & obseruate sapientis-
simam Romanam scholam , & profectò agno-
scetis Urbanos Medicos esse audaciores, libe-
ralioresuè in mittendo pueris sanguine . Ve-
rùm enim verò Ducem habemus C. Celsum
Hippocratem Romanum apertè scribentem ,
non ætatem ipsam , sed vires esse consideran-
das, & ita, firmum puerum tutò per sanguinis
missionem posse curari . Et fortasse ab Hipp.
id colligere licet. dum lib. de cap. vuln. nu. 26.
docuit *pueris detractò sanguine perforandum
esse cranium* . Caluus verò *sanguine misso* ver-
tit. quod idem perpendit etiam Rosarius in
contrad. Hipp. 48. & si quis responderet intel-
ligendum esse detractò à vulnere congelato
sanguine, nos obijceremus Hipp. 5. Epid. num.
26. & 7. Epid. 34. *Callimedontis puero contulit
ad tuberculum , quod habebat in collo durum ,
& magnum , & crudum , & dolorosum , sectio
vena brachij* , cuius auctoritate fretus nepoti
meæ puellæ 12. annorum simili tuberculo affe-
ctæ sanguinem eduxi ad uncias xv. unica vice,
& die sequenti apertum fuit ex se. Iurè igitur
Romæ pueris vena secatur; quod, vt exteri cre-
dant, testes adducam . Io Zecchius Bononien-
sis professor quondam Romanus , nec non
etiam aliàs Bononiensis , atque Sixti V. olim
medicus cons. 46. sic testatus est . *Roma felici-
cum*

Historia.

cum successu pueris trium vel quatuor annorum urgente necessitate sanguis è vena detrahitur. Doctissimus etiam Prosper Martianus in Antiparalogismo pag. 37. Constat (inquit) hanc praxim sanguinem pueris , ac senibus mittendi satis vulgarem esse , ita ut nullus sit febre laborans siue senex , siue puer , cui vena non secetur , potissimum verò , ubi morbillorum , ac variolarum timetur eruptio ; Io. etiam Marnephus noster , de feb. pag. 257. & pueris , & omnibus ætatibus sanguinem esse mittendum asseuerat. addam ego me sexcenties pueris bimis , trimisue sanguinè è vena extrahi iussisse ad uncias quidem ternas , vel quaternas , & maximam illis hoc remedio opem tulisse , nec vllum hic reperire est , quod sciam , Medicum , qui puerulis sanguinis missione interdicerè audeat . Et in tanta laude res hæc est , ut Mulierculæ longo iam in Vrbe huius remedij vsu edoctæ sæpe sæpius Physicorum sine assensu sanguinem infantibus suis febre laborantibus mittendum curent . si autem hoc ipsum alijs testibus confirmare opus esse crederem , niterer profectò Romanos Medicos enumerare puerulis duorum , vel trium annorum ætate sanguinem è vena mittentes , & fortè nullum inscriptum omitterem , inciperemque à Medicorum coripheo , nempe ab Illustriss. & Rever. D. Iulio Mancino S. D. N. Cubiculario medico , enumeraremq; singulos Eruditissimos in alio Gymnasio Professores collegas , nec omitterem

Medicorū
Romanorū
testimonia

D. Iul. Mā.
civis.

terem præclarissimos summi Medicorū Collegij Romani Archiatros, inde descenderem ad testimonia praxim facientium Medicorum in Xenodochijs omnibus Vrbanis. præsertim verò eorum; vterer Medicorum testimonio, qui curam habent proiectorum puerorum S. Spiritus, Orphanorum, & Litteratorum nuncupatorum, nec silētio obuoluerem Illust. & Reu. Card. Barberini Excell. Medicum D. Tadæum Collicolam, nec Familiæ Pontificiæ Medicos D. Dominicum Riuarolam, & D. Sebastianum Vanninum, nec obliuioni traderem eruditissimos amicos meos D. Benedictum Auerrinum, D. Angelum Coliū, D. Frāscum Schaccum, D. Io. Iacobum Vbaldinum, D. Gabrielem Fonsecam, D. Tiberium à Fonte, & alios infinitos, in primis autem Eruditissimi Doctissimique viri D. Pauli Zacchiæ ob præclara edita monumenta insignis vterer solido testimonio, nec non aliorum clarissimorum, amicorumque Medicorum, quorum hic nomina adscribere superfluum duco. Si igitur (ut concludam) tot testes sunt, Romanos medicos in secunda vena, nec pueris quidem bimulis, trimulisuè parcere, nec senibus, nec vtero gerentibus, quibus pepercit Galenus, pepercit Susius, quid de cæteris coniectandum? Hinc cuilibet manifestum esse, reor, timidos Erasistrateos iam diu Romæ exules proclamatos esse, & pro ipsis Hippocraticam, Galenicamue doctrinam susceptam ab antiquo fuisse, ac viriliter

T. Collicola.

D. Riuarolia.

S. Vanninus.

B. Auerrinus.

A. Colinus.

F. Schaccus.

I. I. Vbaldinus.

G. Fonseca.

T. à Fonte.

P. Zacchias

riliter nemini cedendo adhuc retineri. Sciant igitur exteri, notumque sit Orbi toti, cuius caput Roma est, Urbanos medicos plusquam vatiniano odio odisse ob nocumenta à nobis ex parte dicenda vitiosam sanguinis missionē; cum autem æquè vitiosus sit excessus, ac defectus idèò à nobis profligantur, tam molles, fœmineique αἰμοφῶβοι, quam carnifices, sanguisugæὲ φιλαίματοι; omne enim nimium naturæ est inimicum; proinde aurea mediocritas iurè dicta est.

Edictum
Romano-
rum.

Atqui susurrat auris, vocemque seiscitantis percipere imaginor, cur pueris sanguinem mittamus, quùm tamen in eodem Cœlo Galeno mittendū esse haud visum fuerit ante quartum decimum ætatis annum, nec leuibus quidem rationibus adducto, quas attulit. 4. de Victu Acut. com. 19. *At certè pueri scribens quamquam vitali facultate valeant, tamen nequè hi sanguinis sustinent missionem: prompte enim eorum substantia, tum propter humiditatem, tum propter temperamenti caliditatem euaporatur. Detractione igitur sanguinis non egent, qui connatam habent à temperamento vacuationem: & 11. method. cap. 4. Quod enim, ait, ex incidenda vena moliendum nobis fuerat, id ultrò nobis ex curati corporis natura præstatur. Ex quibus Galeni verbis Siluaticus cont 88. argumentationis formam hunc in modum constitui posse censuit. In quibus corporibus illud natura*

Ex Gal.
Pueris nō
esse mittē
dum sang.

Argumentū
Siluatici.

B

facit,

facit, quod nos sanguine misso facere intendimus, in ijs sanguinem misisse saperuacaneum est sed in pueris decimum, & quartum annum non attingentibus, id ipsum facit natura resolutione media, quod nos per sanguinis missionem facere intendimus: pueris igitur 14. annum non attingentibus sanguinem mittere superuacaneum est. quod Argumentum à nemine in hanc usque diem infringi potuisse Syluaticus prædicat.

Responsio.

Mihi autem respondere, quæso, liceat Phlebotomiam Pueris quoque esse optimum auxilium, prout experimentum non fallax, sed certum, & per centena puerorum millia iteratum hic Romæ comprobauit; nec tamen velim, Empiricorum more nos duci, censeat aliquis; ideo rationes non leues in medium adducam, quibus Romani Asclepiadei ad venæ sectionem primo in pueris peragendam inducî fuisse, & in ea adhuc persistunt sententia obseruantes optimæ rationi salutarem suffragari experientiam, & conabor Syluatici argumentum diluere, Galenumque explicare, & nobis conciliare.

Primo autem ea occurrit ratio; quia tunc debemus sanguinem mittere, cum adest ipsius mittendi necessitas, nec quicquam prohibet; sed in pueris sapissimè adest indicans venæ sectionem, sanguinisque liberalem euacuationem; mittendus est igitur pueris sanguis. nec dubium est omnes ferè morbos in omnibus

bus fieri ætatibus, verum magis, & minus; unde acutis, & magnis morbis frequenter pueri quoque capiuntur, adestque in his sanguinea plethora, scribente Galeno 3. prog. 28. *Pueruli plurimum sanguinis habent humorem, eumque tantummodo haberent quantum in ipsum agitur ætatis temperamentum: at, quia cibi copiam ingerunt, atque eam inordinatam, succorum aliquid, qui crudi nomine dicuntur, subnutriunt. Porro, quoties ad ætatem deueniunt adolescentium, quidam iam rectè viuunt, meliorem vitæ nacti tenorem, & ita sanguis in illis exuperat duntaxat.* & ob sanguinis abundantiam frequentissimè apud nos pueri Synochis, tum putridis; tum non putridis, & hinc etiam variolis, & morbillis affliguntur, alijsq; à sanguinis vitio morbis; peccatum autem sanguinis ipsius missione emendatur, synochorum verò vnicum ex Galeno remedium est venæ sectio, nec aliud in nostra arte plethoram æquè vacuās auxilium repertum est. adest ergo in pueris iterum, & sæpius præsentia sanguineam euacuationem indicantis.

**Pueris abſ-
dat ſanguis**

Pueris peccat sanguis

Secundo. Dicendum videtur Medicum rectè operantem naturam imitari debere. Cum ergo hæc in pueris ante quartum decimum ætatis annum Crises per Hæmorrhagiã crebrò moliatur, cur non licebit Medico (qui ex Hipp. 2. in primum Epid. ὁ ἰατρός ὑπὸ τῆς τῆς τεχνῆς dicitur, & à Galeno τῆς φύσεως mini-ster. 4. meth. 6. & 9. de Plac. Hipp. & Pl. & alibi)

sanguinis euacuationem secunda vena in pueris prosequi? An ne ex Hipp. 3. aph. 27. *senioribus pueris, & ad pubertatem accedentibus ex naribus sanguinis effluxiones fiunt?* in cuius comento *Incipiunt* (inquit Galenus) *pueri pubescere post annum quartum decimum. Qui vero prope hanc aetatem accedunt, sunt, qui duodecimum, aut tertium decimum, aut quartum decimum etiam agunt annum.* deinde subdit. *Sanguinis vero profluvia ex naribus fiunt in tali aetate constitutis, quoniam hic humor in ea incipit abundare, non quia nunc plus de eo generetur, quam prius, sed quia nunc minus absumitur.* & quauis Hipp. dicat in talibus Hæmorrhagias fieri, non ideo exclusit minores, maiore suè, sed frequentiores tantum morbos docuit. & secundo prædict. num. 47. fieri morbum quandam asserit, *quibus in pueritia, & iuuentute sanguis ex naribus fluere solitus desijt.* Quod si natura expellit ipsa sanguinem peccantem quantitate, vel qualitate, & innocuè quidem ante 12. annum, cur eam imitari nobis non dabitur? et, si in hoc eam imitari non debemus, neque etiam in alijs. Refert autem Amatus cent. prima curat. 37. febricitanti puellæ decem annorum aetate sanguinis uncias quinque extrahendas se iussisse: sed post horam in sanguinis fluxorem ex naribus illam deuenisse: ita copiosum, ut assistentes integram sanguinis libram fluxam esse, affirmarent, ita vero ipsi sanguinis eum fluxum contulisse,

puellæ sana
ta Hæmor-
rhagia.

vt illicò à morbo libera euaserit , nec sanguinis missione, aut alio remediorum genere indiguerit , & in Scholio addit. Hinc argumentum desumi posse, quod sanguinis missio per venæ sectionem , in ætate puerili ante quartum decimum annum maximè conueniat, quùm in hac ætate sanguis sua spòte fluit nullo interueniente nocumento , aut caloris natiui resolutione, neque solum circa decimum ætatis annum venam esse incidendam prædicta ostendunt , sed etiam citiùs , quod ostendere etiam licet. Nā Fernel. lib. 6. Patho. c. 16. se vidisse dixit puellam octauo ætatis anno fluxu muliebri obsessam , & D. Gasp. VVolph. ex Gesneri schedis apud Skenchium . *Puella cuidam octauo anno menses rubri superuenerunt , cum cessasset sanguis è naribus fluere, quod ei antea sæpiùs contigerat . quod si natura quandoque expellit sanguinem per vterum, vel nares octauo anno , immo quinto, vt mox dicam , cur medico denegabitur imitatio ? Refert apud Skenchium Hercules Saxonia. Puellam noui Venetijs annum quintum agentem , singulis mensibus modicè tamen expurgatam , & ex Suterio . quadam statim atque quintum ætatis annum exegit, menstruo fluxu laborare capit., quo iam inde ab eo tempore semper statis diebus laborauit. Agit autem nunc ætatis undecimum annum . nec paucas puellas 9. annorum ætate vtero gestasse refert idem auctor. Præterea nos quoque hic Romæ frequentissimas , optimas-*

Menstrua
8. anno .

Menstrua
5. anno .

In pueris
Crises per
Hæmorrhagi-
am.

timasque, per narium hæmorrhagiã in pueris 7.5. & trium etiam annorum ætate obseruauimus Crises. Quum igitur spontina sanguinis è naribus profusio in pueris conferat, & leuiter ferant, signum est talem fuisse factam, qualem fieri oportebat: sic ab arte facta per venæ incisionem excretio, quum experientia quotidiana conferre, & leuiter à pueris ferri, obseruetur, talis esse facta, qualis fieri debebat omninò est dicenda. Ex quibus conclusum volo, nobis licere naturæ imitatione in paruis pueris sanguinis, per venæ sectionem detractioe uti; dummodo experti adsint Chirurgi, quales Romæ non desiderantur.

Pueri pur-
gantur.

Tertio. sic argumentari scholasticè placet. Illa corpora, quæ maius ferunt remedium, sufferent etiam minus: sed pueri ferunt per medicamenta purgari, quod est maius, violentius, & periculosius auxilium. Ergo ferent etiam venæ sectionem, uti remedium minus, mitius, & tutius: quæ omnia rationibus, atque auctoritatibus comprobare, mihi haudquaquam arduum videtur; siquidem Galenus ipse 2. de vic. in Acut. com. 1. 1. pro medicamento aluum purgante ab Hipp. ibi proposito substituere mauult Venæ sectionem scribens. *Vbi non solum acutus morbus fuerit cuiusmodi est Pleuritis, verum & cum febre vehementissima multo magis vitanda est purgantis medicamenti administratio, atque per sectionem venæ vacuandum magis etiam si ad Hypochondrium*

Phleb. tu-
rior purga-
tione.

*drium dolor pertingat . Nempe etsi minus quidem auxilium, quam per purgationem , sequatur , securius tamen multo existit . Immo nulum ex eo, quod per vena sectionem fit , periculum impendat, eo discrimen maximum subeunte, quod per purgationem tentatur . Et potissimum si laborantis naturam expertus quis non fuerit, nempe alij difficulter natura purgantur, alij modico assumpto medicamento purgantur copiose . Quod autem pueris concedantur medicamenta purgantia ex Galeno in documento de puero Epilep. commostrabo, vbi cap. 3. *Accedente Vere* inquit *puerum purgandum a firmo mediocri purgatione .* & quia medicamento qualitatem reticuit, suspicari possumus elleborum intellexisse, subdit enim c. 6. *Scilla medicamento agritudinem perfecte cessaturam, quoniam iam innumeros pueros nulla Ellebori opera sic curavi .* Verum Plin. li. 25. c. 5. etiam si dicat elleborum mederi morbis comitialibus, tamen *vetant* inquit *dari pueris*, sed quicquid sit de elleboro , constat ex Gal. puerum esse purgandum . At de Hipp. quid dicendum , qui 5. in 6. Epid. com. 35. scriptum reliquit . *Mulier, Capra, Elaterium, aut cucumerem siluaticum edentes pueris purgatio .* purgat igitur infantulos lactantes Elaterio Hippocrates ! & Gal. in com. addit. *Non Elaterio dumtaxat, quod Cucumeris siluatici succus est , quemadmodum neque ipso Cucumere solum vefcentes, lac puerorum lactentium purgatorium gi-**

Pueri pur-
gantur El-
leboro ,

Elaterio .

gnunt, verum etiam si quod aliud medicamentum subduclorium, quod vocant, assumpserit. Siue autem à muliere Elaterio, à Capra ipso Cucumere, siue utroque ab utraque comeso, infantes earum lacte purgari dicat, nihil interest: quemadmodum neque si comeso, aut deuorato, quis scripserit. Conducit autem hac oratio, & ad medicorum usum, & ad naturale decretum. Infantulos enim purgare volentes, aut matri infantulum lactanti, aut Capra, huiusmodi aliquid esui dantes, sic eos purgabimus. Ex quibus omnibus clarè patet pueros medicamentis purgari ab Hipp. & Galeno, patet etiã purgationem esse remedium vehementius, & periculosius, quam sit Venæ sectio, vt etiam, retulit de curandi ratione per sanguinis miss. 11. Vndè facilè inferri potest pueris hanc magis conuenire, quàm purgationem.

Quarta ratio, quæ confirmat prædictum sanguinis mittendi usum, erit, quia nihil est in contrarium, quod hoc remedium in pueris omnino prohibeat. Etenim pertimescenda minimè sunt ea, quæ proposuit Galenus in mediocri euacuatione, sed tantummodo in excedenti, in ea, quæ fit ad Syncopem, & Galeni ratio adducta est logica, & imaginaria, non autè physica, & experimentis suffulta, vos autem iam scitis, Eruditi discipuli, quod dixerit Arist. deferere experimentum, & quærere rationem insipientis esse, & tamen adducta ratio alijs rationibus conuellitur.

Dicam

Dicam igitur primo si verum esset pueros à proprio temperamento sufficientem habere superfluitatum euacuationem (nã connatam etiam habent viri , quùm continuò ab his etiam plurimum vaporis resoluatur, & fortas, se in calidissimo temperamento magis , quàm in pueris sit resolutio) sequeretur eos vel nunquam febricitare , vel Ephemera tantum affici ; febris enim ab imminuta, & insufficienti fuliginum resolutione pender. Attamen vehementissimis, longis, atque contumacibus nò rarò vexari febribus, obstructionesq; prauas ipsos pati, sæpissimè obseruamus; certissimum apud me indicium eorum corpora non semper esse conuenièter disflata, nec sufficientem habere excrementorum vacuationem à primo temperamento . quare tunc detractiōne sanguinis opus habent, quādo vacuatio naturalis sufficiens non est : insufficientem autem esse apparet, quum puer febricitat .

Calida temperamēta.

Secundo dicam, si euacuatio pueris insita, & connata non potuit impedire mali generationem, qui poterit iam factum morbum per se solam dissoluere ? adeo enim debiliter, & tardè natura in pueris crisin molitur, & morbos depellit , vt ad menses & annos prorogetur Crisis quandoque, vt patet 3. aph. 28.

Crisis tarda in pueris.

Tertio, si euacuatio à natura instituta superfluatorum humorum esset semper sufficiens in corpore , & quoties ea copiosè sit , & iuxta consuetum modum, nunquam esset sanguis

guis

Muliercs
phlebotomantur.

guis mittendus, sequeretur in Mulieribus mēstrua sua statuto tempore, & iuxta consuetam quantitatem excernentibus; si magno morbo ægrotauerint, non esse phlebotomandum; nam connatam hæc quoque habent naturalem, superfluitatum euacuationem, & quod magis est in his euacuatur, non Vapor tenuis, & aquosus, sed sanguis ipse; & tamen Medici omnes sanguinem mittunt.

De inedia.

Quarto. Si Galenus irridet Erasistrateos (de Ven. sec. ad Erasistrateos c. 4.) plethoram non venæ sectione; sed inedia tollere satagentes, quid dicemus nos de ipso Galeno sentiente plenitudinem sanguinis vehementer lædentem pueros tolli facile, cito, & tutò posse, sola naturali perspiratione, quæ multò minus consumit substantiam, propriamque corporis humiditatem, quàm faciat inedia.

De remedio veloci

Quinto. Si Veloci remedio velox morbus tolli debet, in acutis puerorū morbis necessaria erit omnino sanguinis missio. inepta autē sola vaporum transpiratio, quæ longo tempore vacuat, quod si expectare voluerimus, donec per cutem corpus euacuetur, morbi velocitati impar erit remedium, interim verò puer peribit negligentia medici. sæpe autem cutis obstruitur, & impeditur transpiratio.

Sexto. Si propter temperamenti caliditatem euaporantur sufficienter in pueris excrementa, in Viris calidissimo temperamento præditis fiet immodica humorum euacuat

tio,

tio, & certè videmus viros per cutis poros euidentes emittere fumos, præsertim hyberno tempore: æstiuo autè sudores, cutis sordes: gignere etiam ex superfluitatibus copiosos pilos, quod nõ accidit pueris. ergo si paucior vaporum diffusio in pueris denegaret phlebotomiam, copiosior euacuatio in Viris eam magis prohiberet; eam tamen Gal. istis laudat.

Caliditas
temperamen-
ti.

At dicet aliquis. Galenum in pueris vires facultatis Vitalis præsentis satis esse validas, & ferre posse Venæ sectionem concessisse, sed considerandas etiam esse futuras vires, quæ necessariò conciderent ob duplicem vacuationem scilicet tum naturalem, tum per Venam sectam.

Obiectio.

Resp. plus substantiæ resolui in Iuuenibus, & Ephebis, quàm in paruis pueris, quod multis rationibus probare queo. Ex quo patebit non adeò esse formidandam in pueris naturalem resolutionem, cum pauca re vera sit. constat autem eiusdem esse temperamenti pueros, mulieres, Eunuchos, glabros, & alios imberbes; idest frigidiores quam sint Viri, sic Gal. ipse 2. in 1. Epid. 78. scribit in naturis temperamento frigidis, quales sunt mulierum, ægrè digeri per habitum corporis, & minùs multò, quàm in adultis iuuenibus, qui calidissimo sunt temperamento: at puerorum corpora effœminata sunt: ergo etiam inijs ægrè fiet humiditatis resolutio; quod etiam patet, quia ex Gal. 3. de cau. sympt. 3. Pueris adest Expultrix, nec non reten-

Solutio.

Pueri effœ-
minati.

Rationes
multæ con-
tra Gal.

retentrix imbecillior,quàm iuuenibus : quare si magis viget facultas expultrix in iuuenibus, maior fiet in his expulsio superfluitatum,quàm in pueris;nec dicere valet ex retentrice valde debili fieri resolutionem maximam in pueris : quia huic multa opponuntur. etenim etiamsi in pueris retentrix facultas, quæ pendet à neruorum robore sit debilis, tamen haud facile concesserim retentricem, quæ pendet à facultate naturali Hepatis esse debilem : quum videam in pueris humiditates magis retinere, quàm in Viris, cum enim sint corpora mollia, & humida, si non esset valida retentio humiditatum, citò exiccarentur humiditatibus resolutis. sicut è contra iuuenum temperamenta sunt sicciora, quia non retinent humiditates, senes verò postea humectantur, quum retinentur humida excrementa. Præterea ad multam resolutionem, requiritur validus agens. ergo validus calor, non temperatus, sed ex Gal. lib. de temper. puerorum corpora sunt temperata, iuuenum verò multo calidiora, igitur in pueris ratione agentis fiet moderata resolutio, in iuuenibus verò multo maior. Demum ad resolutionem plurimæ humiditatis corporum faciendam requiruntur viæ aptæ ad transitum excernendorum vaporum, sed in pueris angustæ sunt viæ, densæ carnes, nulli cutis pori. ergo in his difficillima superfluitatum euaporatio.

Con-

Confirmatur hæc etiam sententia, si dixerimus maiorem fieri resolutionem in Iuuenibus quàm in pueris, quia pueri habent exiguos meatus, vt Eunuchi, & foeminæ, vt ait Galeni testimonio 2. de temp. c. 5. vbi ait. *Pueri admodum parui nudi sunt pilis, quod utiq; nec meatus adhuc ullus illis in cute est, nec fuliginosum excrementum: incipientes autem pubescere paruos, & imbecilles habent: at qui iam florent, valentiores multò, & magnos, & nigros habent, quod & frequentes iã meatus ijs sint facti, & fuliginosis excrementis præ siccitate, & calore abundant.* Ecce Galenus fatetur pueros in cute nullos habere meatus, iuuenes verò fortitos esse frequentes. Quæro modo à Gal. ex quo corpore maior fiet effluxus, ab eo nè, in quo sunt magni, & frequētes meatus cutis, an verò ab eo, in quo sunt vel pauci, vel nulli? Equidem haud scio quo pacto sibi concordet Gal. qui de opt. sec. ad Trasib. cap. 26. scripsit. *Densitas, & raritas sunt nonnullis ingēna, alijs præter eorum naturam: nam senum densitas ipsis quidem ingēna est; sed pueris extranea; contra pueris raritas naturalis est, senibus autem violenta.* Sed quid quæso est raritas, & densitas cutis: nisi ineatuum, absentia, & præsentia? in pueris non adsunt meatus: ergo cutis densa. videtur autem potius dicendum esse, quod pueris sit naturalis, & ingēna densitas. sunt enim veluti spongia aqua repleta, quæ ob plenitudinem humiditatis

Pueri sine
poris.

tatis nullam habet porositatem, & ex Gal. ipso
 nō habent poros in cute. senibus autem, (quo-
 rum corpora sunt veluti spongia aqua ex-
 hausta, totaque porosa) si contigerit meatus
 densari, & conuiuere, non erit illis naturalis,
 sed accidens præter naturā, nimirum post ra-
 ritatem præcedentem. scio quidem aliud esse
 habere cutem densam, aliud verò carnem.
 nam Hipp. 1. de M. Mul. nu. 2. dicit. *Mulierem
 rariore carne præditam, & teneriorem esse,
 quàm virum.* Virum verò solidiore carne
 præditum esse, quàm mulier. At cutis rarior
 est viris, densior autem foeminis, & eiusdem
 cum foeminis naturæ, scilicet pueris, & Eunu-
 chis, quod ex Hipp. de Nat. pueri 17. clarissi-
 mum est, cuius verba non pigebit transcribere,
 ut constet in pueris cutem esse densam, in
 adultis rariorem. *Cæterum (inquit) pilorum
 natura hoc modo se habet. Oriuntur equidem
 maximi, ac plurimi, qua corporis parte cuticu-
 la rarissima est, & ubi pilus moderatum humo-
 rem in alimentum habet, & ubi cuticula
 postterius rara fit, ibi etiam pili postterius na-
 scuntur, velut in mento, & pube, & sic ubi aliàs
 pili nascuntur: simul enim ut genitura prodit;
 etiam caro rarefcit, & cuticula, & venæ ape-
 riuntur magis, quam priori tempore. Nam dum
 adhuc puer est, & venæ tenues existunt: non
 procedit per ipsos genitura, (eadem ratio de
 mensibus virginum est) Simul autem ut via
 fit, & genitura, & mensstruis virginibus; etiam
 pilos*

Pueris dē-
 sa cutis.

pilos emittit pubes, tum pueri, tum virginis, rara nimirum cuticula reddita, simulque pilus moderatam humiditatem in alimentum habet, & non pauciores. Sic verò & in mento viri contingit: rara enim fit cuticula, procedente in ipsam de capite humiditate: simul enim & in coitu, simulque interiecto tempore, pilus moderatam humiditatem in alimentum habet, & tunc maxime, quum tempus contingit humiditati de capite descendenti in coitu, ad mentum à pectore distans.

Quando pili nascuntur,

Signum autem eius, quod in rarissimis cuticulæ partibus pili nascuntur. si quis velit inurere cutem, & pustulam tantum facere, eamque sanare, cutis densa reddita per cicatricem pilos non producet. Quicunque verò Eunuchi, dū pueri sunt, fiunt, propterea neque in pube, neque in mēto pilos producunt, leuesque toti existūt, quòd via genitura non facta, cuticulam non rarefacit per totam superficiem: intercepta est enim ac conclusa genitura via, quemadmodum paulo ante à me relatum est. At verò mulieres leues fiunt, & mento, & corpore, quod in coitu ipsarum humiditas non similiter agitata velut viri cuticulam raram non facit. Ex his autem Hipp. verbis clarissimum est cuticulam puerorum esse densam, pubescentium magis raram: quare per densam cutem minus humidi diffluet, quàm per raram cutem. ergo maior fit resolutio in adolescētibz, quàm in pueris. non ne inter homines, qui pilosiores sunt iudican-

dicantur calidioris temperamenti ex Gal. in arte medicinali ? quare etiam dicemus iuuenes ob pilos enatos esse pueris calidiores.

Nulla vis
14. anni.

Confirmatur etiam id ipsum, quia quartus decimus annus per se quidem nullam vim habet indicandi, vel prohibendi venæ sectionem, sed pubescencia ea est, quæ attenditur, cuius aduentus adesse solet circa 14. annum, & ea ipsa pendet à seminalibus vasis apertis, vt dixit Hippoc. verbis mox allatis : vnde in Eunuchis, quia nullum semen, nulla est pubes; nihil etiam 14. annus indicabit; sunt ergo calidiora illa Animalia, quæ semine abundant, quàm, quæ eo carent, & pubescencia indicabit caloris augmentum, & dominium super humidum, ob id puberes (ratione, inquam, seminis) calidiores impuberibus erunt, & per consequens, si calidiores, plus vaporis emittent, & plus substantiæ deperdent, quàm pueri, non ergo adeo pertimescenda est naturalis resolutio in pueris, vt ob eam timeamus Venam secare.

Obiectio.

Si quis verò dixerit molliora corpora, fragilia, & effœminata (qualia proculdubio sunt puerorum corpora) insensibili perspiratione dissolui. Hoc ei ego negabo, quia Gal. lib. de opt. sect. ad Trasil. c. 29 noluit id methodicis

Negatio.

concedere. Et, vt concludam, aio, satis esse pro secanda vena in pueris vires validas presentes; debet enim adesse præsentia indicatis, & quod non est vim non habet prohibendi; sed verum est

est, quod attendere debemus, ne vires in præfenti validæ nimis prosterantur, quare minus detrahemus sanguinis, nil veriti illam naturalem resolutionem à Galeno propositam, quàm pueri alimenta ingesta non resoluant per halitus; sed agglutinent, & conuertant in augmentum suorum corporum, alioqui temperato calore præditi sunt, & pituita abundant, vnde catarrhosi, humidi, & somnolenti sunt, præ omnibus ætatibus.

Septimo. Si propter temperamentum cal. & hum. puerorum substantia adeò euaporatur, vt phlebotomia in his adhiberi nequeat, neque temperam.
cal. &
hum. Eunuchi, neque mulieres propter idem temperamentum, & eandem euaporationem ferent Venæ sectionem, patet autem puerorum, Eunuchorum, & mulierum similem esse naturam, quia Hipp. 6. aph. 28. 29. & 30. ait. neque Eunuchos, neque mulieres, si non menses ipsis defecerint, neque Pueros ante veneris vsum podagra laborare. & Gal. 3. de off. med. tex. 23. quæ Hipp. de pueris verba facit transferenda esse dixit ad Eunuchos, & fœminas, & etiã 1. de comp. med. 2. loc. c. 1. de pharmaco Heræ. *habent (inquit) consimilem pueris cuticulam, Eunuchi, & mulieres.* cum ergo simile sit temperamentum, & similes morbi puerorum, mulierum, & Eunuchorum. si à temperamento fieret multa resolutio, & tanta quanta prohibet venæ sectionem, non in pueris tantum, sed etiam in fœminis, & Eunuchis

chis esset prohibenda venæ sectio, at fæminæ sustinent magnam sanguinis vacationem.

Explicat.
Gal.

Octauo. Quando Gal. dixit. 4. de V. Acut. citato. *Detractione sanguinis non egent, qui connatam habent à temperamento euacuationem.* explicari debet hoc modo, detractione sâguinis copiosa, & vsque ad syncopim non egere, qui cónatam habent sufficientem à temperamêto euacuationem, quo pacto cum Galeno sentimus nos etiam: ita enim non negatur pauca, detractio, quum insufficiens est vacuatio connata: ipse enim de cur. rat. cap. 14. *cum febrilis calor multû sanguinis digerit atque abstinêter laborans victitat, necessario breui illum nutrimentû ex sanguine distituit interim virtus exoluitur.* præterea ait multû sanguinis absumi à laborantis temperie cal. & hum. ab habitu corporis albo, & molli; ætate puerili, anni tempore æstiuo, sub cane, & in regionibus calidis ob quas connatas euacuationes dicit. *minus detrabi quam plenitudo commonet;* non prohiberi omnino. ita ergo, & 4. Acutor. est intelligendus.

Nono ad tex. ex 11. meth. negamus ex curati corporis natura id vltro præstari, quod ex incidenda vena optabamus; quid enim euacuat ea natura per insensibilê transpirationem, nisi tenuissimos vapores? at venæ sectio euacuat sanguinem ipsum actu lædentem, & multipliciter peccantem: peccatum enim in copia, velox remedium requirit, & ideo dixit Hipp. 1. aph. 3

in

in athletis bonum habitum apparentem, non tarde, sed statim esse tollendum: peccatum in qualitate neque resolutione, neque inedia tunc tollitur, nam nimis calefactus sanguis, feruens, & ebulliens in venis minui secta vena, debet, ab inedia calefcit magis, putrefactus verò sanguis quo tempore, & quo modo corrigetur, & expelletur à connata resolutione? denique motus sanguinis reuulsionem requirens nunquam auertetur à connata illa vacuatione. ergo ex curati corporis natura nullo modo id præstatur, quod venæ sectio breui efficeret.

Decimo. ad Siluaticum respondens negabo Argumenti minorem propositionem, quia natura per resolutionem in pueris non potest id quod phlebotomia expleret perficere nempe neque citam motus sanguinis reuulsionem, neque deriuationem, neque euacuationem copiosi vel putridi, ac corrupti, neque refrigerationem calefacti, & ebullientis.

respondetur
Siluatico.

Vndecimo. Quando Hipp. dixit sanguinem esse detrahendum *si vigeat ætas &c.* intellexit *ad animi deliquium*. loquebatur enim de magno morbo, qui magnum remedium postulat, Venæ autem sectio indicata à magno morbo, debet etiam ipsa esse magna æqualiter, id est, copiosa, qualis est vsque ad Syncope, & quamuis magnus morbus per se ipsam requirat, tamen considerandum est, an corpus curandum eam ferre valeat, & huius signum

Hipp. explicatur.

desumemus Hipp. docente à Virium robore, & ætate valida, vt adhiberi possit valida vacuatio, de pauca autem euacuatione non loquitur hic Hipp. igitur ætas quantitatem limitat, non autem indicat, nec prohibet remedium, vnde Hipp. 1. aph. 2. in vasorum inanitionibus inspiciendam esse ætatem voluit, vt contraindicantem, & aph. 3. *qualis natura est eius qui perferre debet, ad hoc ducere conuenit.* & sub naturam inclusit ætatem.

Gal. dilu-
cidatur.

Duodecimo. Galenus quoque eodem pacto veniet explicandus, si dixerimus negasse ante 14. annum, eam tantum venæ sectionem quæ fieri solet vsque ad syncopem, etiam si morbus fuerit magnus, qualis pleuritis, synochus, Angina &c. timuit, enim tantam copiam non autem saluberrimum remedium miris laudibus ab ipso met exaltatum, itaque ætas non absolutè, & prorsus sanguinis missionē prohibet, sed quantitatem determinat, siquidem Gal. de curat. rat. per sang. m. 14. *minus* (inquit) *detrahimus quam plenitudo commonet, quod ad ætates quidem attinet, in pueris, & rationem addit, quia eorum nutrimentum absumitur ob temperiem calidam, & humidam,* & eandem rationem affert pro diminuta phlebotomia *in habitibus candidis, ac mollis, teneraque carnis quales Galli sunt* vbi notare licet, contra Galeni mentem eos Gallos, qui suis ægrotis copiosius, & frequētius sanguinē mittunt, hoc remedium exercere: prætere-

sub

sub cane , & in regionibus , & constitutionibus calidis quare dicam manifestum esse non solum vaporationem sufficere ad prohibendam venæ sectionem, sed tantum limitare .

Ita etiam eodem lib. cap. 13. cum dixisset ,
quibus ampla sunt vena, quique modicè graciles sunt, nec candidi, neque tenera carne præditi copiosius euacuabis subdit *contrarios autem parcius, quippe qui exiguum habeant sanguinis, carnemque facile transpirabilem , & inter hos parcius euacuandos numerat pueros: statim enim addit. Hac ratione .i. parcè nec pueris venā tundes usq; ad decimū ætatis annum: copiosius, post quem si multus congestus sanguis appareat, tempusque anni Vernalis fuerit , regioque natura temperata , & pueri natura bene sanguinea, conditiones pro phlebotomia, sanguinem minues copiosius quàm prius multoque magis si aut peripneumonia , aut angina , aut pleuritidis, aut alterius acuti grauisque morbi periculum incumbat . Detrahes autem primum, ut summum, ad cotylam usque idest vnc. viij. dram. 2. scup. 2. secundum alios vnc. x. Quod si postea perpendenti vires , permanere valide videantur, dimidium eius adijcies , reiterata missione. i. vnc. iv. scup. iv. vel vnc. v. & in totum erunt sang. vnc. 12. & semis, vel vnc. xv. quod si pueris post. 14. annum lib. 1. sang. mitti potest , circa 7. mittemus tantum dimidium, vnc. vi. & trium annorum ætate vncias tres, semper data aliqua proportionem.*

Galenus aliter locus .

Galenus se
explicat .

At Primo ad Gla. c. 14. Gal. explicare videtur quod alibi obscurè dixerat, *His etiam* (inquiens) *& ætas annumeranda est veluti accidens quoddam, quod prohibendi integram vacuationem vim habet : neque enim pueri, neque seniores banc sine noxa tolerant. Hosce igitur omnes, ubi dispositiones hortentur, non semel, neque ex toto, sed paulatim oportet euacuare.* ubi manifestissimum est Galenum velle integram, copiosam, excedentem, atque ad syncopem, vacationem ab ætate posse prohiberi, cum tamen concedat partialem, repetitam, & parvam euacuationem .

Galenus
mens .

Credimus autem pueris ante 14. annum à Galeno prohibitam fuisse eam tantum phlebotomiam, quæ copiosa est, & suo tempore sæpissimè fieri solebat, usque ad syncopem, concessisse autem paucam, & solum denegasse nuper natis puerulis venæ apertionem, quod iurè factum fuit ob venarum exilitatem ita lib. de sectis c. 3. *si ætas* (inquit) *aut pueri natu admodum parui, aut senis in senium longè prouecti, &c.* inde nemo est, qui venam discindere audeat . ubi prohibet omnino paruulis, non maioribus, bimis, trimisue, quibus nostri experti chirurgi facillimè venas secant : in maioribus igitur secari vena potest, & cum Gal. 3. meth. c. 11. *mensuram vacationis tum ex redundantia modo inuenies tum ætate, natura, regione &c.* nos autem in sanguine pueris mittendo audaciores esse Galeno possumus, quia
modo

modo pueri Romani validiores sunt, & sanguine magis abundant, quàm tēpore Galeni. nunc enim etiam lactentes Vinum potant continuo, cum tempore antiquo illo interdiceretur eis. 5 enim de sanit. tuen. 5. dicitur Vinum pueris esse alienissimum, & lib. 1. c. 11. pluribus agit non esse dandum Vinum pueris, & concludit neminem rationis compotem vti Vino pueros concessurum, & *neque etiā adultis nisi modicè sumptū* vtile iudicat, & lib. quod animi mores & c. c. 10. ex Platonis Timeo. *Pueri duodevigesimum annum à vino prorsus abstineant.* ita, ablatę vidētur difficultates omnes de sanguine mittendo in pueris, & roborata Romanorum sententia prædicta, procul delegata tum avaritia, & timore sanguinis, tum etiam prodigalitate, nimiaque alieni sanguinis siti. possem autem addere multos auctores, multasque Nationes, quę huiusmodi salubrem in pueris Romanorum vsum sibi familiarem fecerunt; sed Eminentissimę Romanę scholę dignitas, & auctoritas non eget aliena auctoritate.

Vino pueris interdum.

Regrediar modo ad τῆς φλεβοτομίας ἐκλειψιν, illud nimirum in medendo vitium, quod venę sectionem necessariam penitus omittendo, vel deficienter imperando committitur, sed superfluous omnino labor, & gratis susceptus videtur, essetque recoctam proponere, *πράμ βου* namquē Galenus Erasistrateos debellavit, & perdidit, eiusque libri satis sunt pro expugnatione vnus, alteriusuē resurgen-

Defectus phlebotomiz.

tis *diuoribus*. Afferam tamen ex multis pauca quædam nocumenta insequentia ommissam, vel paucam sanguinis euacuationem.

Primò. autem nocuam esse dicimus ommissam venæ sectionem existente plethorica dispositione, qua propter Hipp. 1. Aph. 3. *Habitus Athletarum* (inquit) *qui ad summum bonitatis attingunt, periculosi, si in extremo constiterint. Neque enim possunt in eodem permanere, neque quiescere. Cum verò non quiescant, neque possunt proficere in melius, reliquum est ut decidant in deterius.* His de causis bonum habitum statim soluere expedit, ut corpus rursus nutriri incipiat. in commento scribit Gal. quod in tali habitu, cum vasa cibus, ac potibus fuerint supra modum repleta, periculum est, ne aut ipsa dirumpantur, aut calor natiuus suffocetur, extingatur; sicuti etiam subita morte interierunt athleta quidam, cum ad summam repletionem venissent. patet igitur, quod nisi in tali dispositione mittatur sanguis magna imminent pericula.

Secundo. Si Mulieri menstrua cessauerint, & ex abundantia sanguinis in Venis, sanguis euomatur, ommissa Venæ sectio plurimum lædet nam Hipp. 5. aph. 32. & 1. de Morb. 6. *Mulier sanguinem euoment, mensstruis erumpentibus solutio.* Gal. verò in com. vult, ut misso è vena sanguine euacuemus plenitudinem, naturam imitantes, ita etiam quia aph. 33. subdit Hipp. *mulieri mensstruis deficientibus, sanguis*

Mensib.
cessatis

guis à naribus fluens bonum. nos naturæ imitatione, quum ea cessat, vena secta abundantiam tollemus. pericula autem ob retenta menstrua Hipp. lib. de Virg. morb. recenset dicens cum sang. non habuerit effluxum in virgine nubili, præ multitudine resilit ad cor, & ad septum transuersum, cum igitur hæc repleta fuerint, cor fatuum fit: deinde ex fatuitate torpido, postea ex torpore delirium apprehendit.

Tertio. sicut deficiente consueta sanguinis euacuatione per hæmorrhoidas multa pericula imminet. Nam Hipp. 6. aph. 12. à diuturnis sanato hæmorrhoidibus, si una non seruetur periculum est Hydropem, vel tabem aduenire. ita Medicus, cessante omnino ea vacuatione, si Venam secare non festinauerit dictorum affectuum particeps causæ erit. ita etiam scripsit 3. in 1. pror. com. 39. *Qui statis temporibus sanguinem profundunt, siticulosi hi, difficles, & exoluti, si non profuderint, Epileptici moriuntur.* cum autem ex Gal. in com. vacuatio sanguinis consueta retenta fuit, his morbos fore plethoricos, manante ipso ad eas corporis partes, quæ retentis excretionibus propinquæ sunt, vel ad eas, quæ imbecilliores existunt: particulatim verò de ijs, quæ ex hæmorrhoidæ, ut pote excrementis existentibus melancholicis, alunt vel melancholiam, vel spthysin, vel hyderum, vel varices, vel cancrum, vel Elephantem: præter hos autem unicuique, in ea parte fore affectionem, quæ

cæteris

Defectu consueta vacuationis

ceteris manifestè imbecillior existit, sensus autem Hipp. est, quod si cessante solita sanguinis euacuatione, ægri facti fuerint siticulosi, difficiles, & exoluti, si profuderint more cōsueti sãg. bonum esse; si verò non profuderint Epilepticos moriri. Medicus autem si in huiusmodi casu non secauerit Venã mortis reus ipse erit.

Quarto. Hipp. 1. Epid. constit. 3. in febribus ardentibus. *Quibus quidem bene, ac large sanguis per nares erupit, per hoc maximè seruabantur; & nullum noui, qui in hac constitutione mortuus esset, si rectè ipsi sang. profluxisset. In Philisco enim & Epaminone, ac Sileno, quarta, ac quinta die parum de naribus stillauit, & moriebantur, deinde scribit. Sanguis autem plurimis erupit, maximè adolescentibus, & in vigore constitutis, & talium plerique perierunt quibus sang. non erupit.* ex quo textu colligo in quibusdam febribus non factam sanguinis excretionem mortis esse causam, caueat igitur Medicus ne peccet omissione venæ sectionis.

Possem hic plurimos affectus, & constitutiones afferre, in quibus omissa venę sectio maximo esset detrimento: sed hæc innotescant in alia Epist. de vero Vsu phlebotomiæ, vbi tradendum est, quando Venæ sectio conueniat.

περὶ ὑπερβολῆς,

Alterum autē vitium, quod in Abusu venę sectionis cōmittitur est ὑπερβολὴ excedens,

dens, & superflua sanguinis emissio : vt autem Galenus in Erasistrateos, & Hæmophobos sui temporis acerrimè disputauit, & penitus profligauit ; ita à me hoc æuo contrarium vitium est debellandum, meumque ingenium exerce cogor contrà τὰς φιλαιμάτας, prodigosque sanguinis effusores; Et quot quidē damna sub copiosa sanguinis vacuatione delitescunt ? damnanda autem omnino est excedens humani cruoris, Vitæ Thesauri, & animæ vegetantis domicilij deperditio, illam autem excedentem voco sanguinis missionem, quæ vltra vires corporis est, illā verò moderatam, (etiam si vsque ad syncopem processerit) in qua virium adest robur, conferentia, & tolerantia. Medicos autem, qui in excessu phlebotomiæ sæpe, & data opera peccant, expellere possumus cum Delphico Oraculo. dientes. βαῖν ἀπ' ἐμῶν τριπόδων, ἔτι τοι φόνος ἀμφὶ χέρεσσι, Πηλὺς ἀπὸ λαίνου ἔδε' ἔρύκει. Temerarij enim sunt Philæmates, & in medicina Hæretici, & hos quidem paucissimos adesse puto in Italia. Fama quidem est scholam Parisiensem copiosam esse in sanguine mittendo, ego autem ipsam neque prodigam, neque sæuam in sanguine mittendo imaginari queo, quùm enim sapientissima sit, nunquam mihi inducam, vt credam, ab ea quicquam temere agi; verum quidem est Regionem à Regione variare, aerē ab aere, si igitur Hispani, si Galli, si Germani, nec simul ipsi, nec cum Italīs conueniunt in-

quan-

Cede meis
mensis manibus nam
sanguine adhæ-
res, destil-
lansque re-
cens pro-
hibet tibi
limina Té-
pli.

quantitate sanguinis vacuâdi; quid ad Romanos? qui aere diuerso fruuntur, & sicut Regio, Cœli aspectus, habitatorum temperamenta, victus, mores, & consuetudines incolarum diuersa sunt, ita in medendi praxi (vt cuilibet leuiter in medicina, vel in Hipp. lectione versato patet) non parum variare licet remedium tum quantitatem, tum numerum, tēpus, modum, figuram, & præcipuæ phlebotomię vsum, laudandumque est prouerbiū illud *Dum Roma es Romano viuito more*, non erit ergo probanda illorum opinio, qui alienos medendi mores inducunt, diuersas sanguinis profusiones, easque vel exterorum more, quod enim illis in Regionibus saluberrimum est, hic Romæ erit fortè perniciosissimum, vt in plantis apertissimum est, tum in Persea arbore, tum in Iuccę radice, quod in Historia plantarum Horti Farnesiani aliàs dictum fuit luculentè. Peccauerunt autem quondam in sanguine mittendo Erasistratei quidam; qui à Galeni verbis seducti, phlebotomiam in vsum trahere cœperunt, vt legere est apud Gal. contrā Erasistr. qui cum sanguinis mittendi veras leges ignorarent, ex defectu, in excessum cecidere; superioribus autem annis in hoc peccauit Botallius, contra quem in surrexerunt Galli multi, occasionemque scribendi sumpserunt. Bonauentura Grangerius, Iac. Pontius, Io. Bapt. Donatus, Georgius Caspius Marcus procerus, & alij: scripsit etiam de
abuso

abusu Venæ sectionis Iac. Cotugnus. ego autē
cæteris relictis accedam ad explicanda nocu-
menta, quę sequuntur excessus Phlebotomiz, in
primis autem afferre placet carmina quędam,
ad hanc rem facientia excussa apud Iacobum
Pontium Iugdunensem Medicum in lib. de ni-
mis licētiola, & liberaliore, intēpestiuāq; sang.
missione, liceatq; mihi ea transcribere, & pro-
ferre pro vsu meorum discipulorum, vt nocu-
menta venę sectionis diligentius intueantur .

AD IACOBVM PONTIVM
Poetica Sanguinis quærimonia
Iani Emichoeni Aruerni .

Sanguine cum nostra constet pars maxima
vita
Et corpus linquat Gelidum cū sanguine vita,
Visque anima cum sit, sedesque potissima san-
guis .
Purpuream inde animam magno recitante
poëta,
Cur fiunt sectis exanguia corpora venis ?
Sin minùs arrident tanti tibi verba poëta,
Accipe quod summi statuunt ediëta Tonantis,
Parcite mortales; esu temperate nefando.
Maestata pecudis vetitum cum carne cruorem:
Nempe quod insit in hoc anima (inquit sitque
piandum
Crimen morte atrox anima cum sanguine ve-
sci .)

Haud

Haud secus immundum prohibebat sanguinis esum

*Alteriusque animantem animantis vivere letho
Exuere humanos ritusque referre ferarum ,
Nomina qui primum mutauit vana sophorum,
Atque samum fugiens Crotonia littora venit:
Cum sat abundè homini tellus alimenta ministraret .*

*Poma, nucesque gerant horti, sint vitibus vuae
Sensit & hoc, animam, vitamque in sanguine.
poni*

*Ambitione noua flagrans qui numen haberi
Præcipitem sese flagrantem misit in Aethnam .
Quis furor arripit mortalia pectora, morti,
Vt sponte occurrant , studeant quoque fallere
vitam ?*

*Accelerentque necem iactura sanguinis , atque
Alterius nutu properent præbere secunda
Brachia, credentes dubia sua membra securi ?*

*Quæ noua tam sitiens humanum Empusa
cruorem ,
Aut Lamia , absorbet saniem iuuenumque senumque ?*

*Sarmata, quisne Getas inter tam dirus habetur
Quem iuuet epoto , calidoque madere cruore ?
Intus alit sanguis, necat extra : durus & inde est .*

*Intinctas solitus vibrare cruore sagittas
Vulneribus Scythæ , quo possit procul esse melas .*

*Sanguineasque pluit guttas cum Iupiter , iram
Porten-*

Portendit, pœnasque monens instare minatur
 Humano generi, scelerumque piacula poscit:
 Prodigat infamis media gladiator arena
 Quamlibet alterius, pugnans, propriumque
 cruorem.

An nondum exhausto sacrati sanguine?

Non si

Sanguineam vestra penitus mergantur in utrè
 Ceruices, primò veluti fecisse Monarcha
 Persarum, Scythiæ fertur regina Tomiris?
 Heu nunquamne cutim nisi pleni forte cruoris
 Limosa exemplo linquetis birudinis? At vos
 Iesai saltem moneant oracula vatis:
 Extimulentque sacri solennia cantica Regis,
 Ingratis benefacta Dei qui tanta recensens
 Exprobanisque Apage hinc procul, vir sangui-
 nis, inquit:

Attulit incautis quod missio sanguinis ista
 Importuna necem subitam languentibus agris
 Fasciolam ob laxam neglecti vulneris. An non
 Oesopicus sanguis vobis, hoc tempore belli
 Formidandus erit, Christi qui numine laeso
 Nil hominis præter faciem, nomenque tenetis?

Non sat erat morbi omne genus, veluti ag-
 mine facto

Quotidie ravidamque famem pestemque solere
 (Præter tot quibus est ætas obnoxia casus)
 Tenuia mortalis præcidere tempora vita:
 Insectis cadere occulto paterisque veneno
 Complures, paucos, at sine morte perire
 Nisi sua nudarent sceleratum in viscera ferrum?

Non

*Non sat erat suaui interdicare Sanguinis
agris.*

*Telluris potu, dum lance viuitis ipsi?
Esse salutare quem sua serat: attamen olim
Qui Latij princeps, Medicum nomenque de-
musque*

*Afferuit, quod turba rudis labefecerat ante?
Non sat erat, tot funesto cecidisse tumultu
Myriades hominum, specie pietatis auita:
Nocte Hereboq; satis praebetibus arma, facesq;
Proh dolor! in nostras ausibus furialibus oras:
Vnde tot in nostros incendia lata per urbes,
Vnde tot atroces strages caedesque cruenta?
O Franci, Antiqua memores virtutis auorum,
O Franci, inquam, sanguis inest quibus inte-
ger aui,*

*Iungite composita concordia foedera dextra,
Conspirate animis, & in vnum cogite vires
Rege sub Henrico, quo non pietate, vel armis
In terris vnquam visus praestantior alter;
Tros Tyriusque omni posito discrimine, vobis
Sint ijdē, inquē bonū commune referte vicissim,
Naufragio fuerint tanto quacumque relictā:
Dum post tot caedes, pereat communibus armis
Perfidus Allobrox, & iniqui fastus Iberi:*

*At quo dulcis amor patria me adduxit in altū?
Ergo sacra cohors medicū, Phoebeia proles,
Aut nunquā, aut nisi praesenti discrimine vita,
Parcius ē venis vitalem baurite liquorem:
Quosine, prorsus homo nihil est quā putre ca-
dauit.*

*Si quid inest autem vitiosum in sanguine,
ut atra*

*Si bilis vel flava natat, pituita uè lenta,
Purgetur sensim, victus ratione, vel usu
Rerum quæ sani fuerint medicaminis instar.*

*Sic ego te memini in tenui scripsisse libello:
(Vndè tamen Ponti tibi laus non infima cedit
Noscere si liceat generosum ex ungue Leonem)
Immodicos æstus præpones purgare solere
Hepatis, obstructosque sero referare meatus
Pronorum nimium in Venerem genusque
iuuare.*

*Ergo Vita hominũ vindex clarissime Ponti,
Ac Princeps, quotquot docto numerosa medentũ
Nunc alit atque fouet deducta colonia Planco,
Euge, manu abstrusis concinnum mitte libellũ
In lucem è tenebris, errores detegis vnus
Quo labyrinthos veterum, primisque recentum
Qui sine delectu eliciunt è corpore sanguinem:
Quo sine prorsus homo nihil est quàm putre ca-
dauet.*

*Qualis enim esse potest agris damnosior vllus
Artis quàm medices temerarius ac malus error,
Vnde salus hominũ pendet? sic non datur error
Duplex in bello, Lamacho quem teste, fre-
quenter*

Consequitur clades summa, exitiumq; malorũ.

*Non igitur pigeat pudeat uè in luminis auras
Quos latitare domi reliquos sinis edere foetus:
Quorum conuellent nulla vnquam obliuia fa-
mam*

Perpetuò quin passim etiam excipientur honore.

Quid sentiat I. Pöt.

Hæc autem attuli non ut mediocrem, quam laudo, sed ut excedentem Cruentationem notarem. Neque Pontius Methodicam sanguinis euacuationem despexit, sed excedentem abhorruit. Ego autem breuiter adducam in medium nocumenta quædam, quæ tum ab Antiquis, tum à nostris timentur ob copiosorem Venæ sectionem.

1. *Nocuum-
mentum.*
Copiosa
phlebot.
corpus re-
frigerat.

In primis, quod copiosa sanguinis emissio corpora refrigeret nemo negabit, si enim in sanguine calor est, (vnde nullum exanguem Animal calidum scripsit Gal. de fœtus format. cap. 3.) sang. euacuatio erit caloris diminutio propterea in superpurgationibus vltimò, & non nisi coacta natura, sanguis educitur: nempe, quia calore viuimus, & in sanguine calor est. vnde Gal. 6. de Vsu part. 9. pisces esse temperamento frigido asserit ob sanguinis penuriam. & lib. quod Animi mores, &c. cap. 3. *illud euidenter perspicuum noui* (inquit) *sanguinis missione corpus frigesce*. quærit etiam ubi cur sanguinis copiosa euacuatio animam disungat à corpore, & 4. in 6. Epid. 25. ex sanguinis inopia fieri voluit, ut carnes refrigeretur, acquisititium sanè calorem à sanguine, non proprium, non insitum, ut iecur, & cor possidentes, proinde venosi sunt calidiores ob copiam sanguinis: huius igitur magna emissio semper erit nocua, semper calorem imminuet, & quò copiosior, eò magis inimica, verum

Refrigeratio a spirituum inopia.

verum aliquando prodest corpus ardens refrigerando. Venæ enim sectio ex Gal. 10. meth. 10. non primum, sed ex accidenti calidam aliquando intemperiem sanat. in cæteris casibus vituperanda est frigiditas introducta per sanguinis inopiam; inde prodeunt prava accidentia. Adeo autem timuit Gal. corporis refrigerationem ob sanguinis penuriam, ut mittere sanguinem non permiserit in temperamenti, ætate, regione, anni tempore, & morbis frigidis, quod etiam Auic. retulit; nè tanta introduceretur frigiditas, ut calor naturalis functiones suas perficere non valeret, & observauimus nos multos post copiosam sanguinis excretionem aliquando à Natura, aliquando vulneribus, vel indocti medici consilio factam, ita frigidos redditos, ut non solum extrema, sed etiam corporis caro diu ad tactum frigida sentiretur; immo etiam internæ coctiones imminuebantur ab inducta frigiditate: habemus exempla apud Hipp. 1. prorretic. 19. & in Coacis, de frigiditate ex Hæmorrhagia. ait .n. *Quæ diebus Criticis ex hæmorrhagia incidit valida perfrigeratio, pessima.* Deinde. *Quæ à profluuiio narium cum sudatiuncula incidit perfrigeratio mala est.* Præterea. *Detractio sanguinis in Torpida perfrigeratione malum,* & Paulò post. *In perfrigeratione non sine febre torpidos sanguinis detractio ladic, & putantes se melius habere, bi moriuntur.*

Galenī me-
tus.

Hippocræ.

Secundo. Affero ob copiosam sanguinis

D 2

missio-

3. Nocū,

Corpora
exanguia
decoloran-
tur.

Decolores
nō purgā dī

quid sit Exā-
guis.

3. Nocū.

Phlebot.
Visum he-
betat surdi-
tate facit.

missionem corpora reddita exanguia decolorari, & amittere floridum colorem, exalbida-
que longo tempore permanere, testis erit Hipp. 2. in 2. Epid. scribens. *Dicendum quod, ubi sanguis effluxit, expallescent.* & in lib. se-
cretorum Gal. ascripto legitur medicamen-
tum ad mutatum colorem ex fluxu sanguinis
superfluo. Sed dices. quid refert in ægrotante
colorem exalbescere? respōdeo. hoc esse pluri-
mi faciendum: nā Hipp. scripsit decolores nō
esse purgādos. 4. acut. 115. & li. de Veratro. *ne-
que etiā exanguēs*, sed Gal. per exanguēs intel-
ligit decoloratos ob penuriam sanguinis. vñdē
quum Hipp. 5. Epid. num. 2. Tabescenti viro in
Oeniade venam secuerit *in utraque manu, do-
nec exanguis redderetur* intelligendum est do-
nec colorem faciei amiserit, non autem donec
totus sanguis fuerit exhaustus, vel donec san-
guis ex se sistatur, hoc enim vel esset periculo-
sum expectare si tardē sisteretur, vel pauci iu-
uamenti, si citō quiesceret, & Bonau. Grange-
rius pag. 38. *decolorem* vertit verbum *ἐξαιμός*.

Tertio. Vulgaris fama est copiosam, &
frequentem sanguinis effusionem oculorum
aciem hebetare, ob spirituum defectum; nam
quum animales spiritus ex vitalibus fiant, &
hi sanguine nutriantur, ablato nutrimento, di-
minui spiritus necesse est, & hinc etiam minui
actiones à spiritibus productas, ita etiam sur-
ditas succedit copiosæ sang. Euacuationi, &
quendam noui ob copiosum sanguinis efflu-
xum

xum ex hirudinibus propè aures admotis, surdum esse omnino redditum, & adhuc permanere.

Quarto. tanta nervis impartitur læsio, ut Tremores, cōuulsiones, & singultus succedant. Prædixit autem ea bis mille ab hinc annis Hippocrates, ut 5. aph. 3. *sanguine multo effuso conuulsio, aut singultus accedens, malum.* idem repetit. 7. aph. 7. & in Coacis prænotionibus. 5. etiam Aphor. 56. *in fluxu muliebri* (inquit) *conuulsio, & animi deliquium si accidat malum.* Tremor autem ex Gal. lib. de Tremore, cōuuls. &c. fit quandoquē à largo sanguinis fluore, fit etiam à copia sanguinis retenti.

Quinto. Quod ex copiosa sanguinis missione sequatur syncope dubitare piaculum est, Auctores enim sæpe sanguinē mittendū consulerunt vsque ad animi defectum, ad syncopem, exclusivè tamen, quod si pergat esfluere vitæ Thesaurus sequitur Syncope ipsa, & Mors, teste etiam ipso Gal. 5. aph. 16. nam cum in syncope omnes vires præcipientes ruant, ex tanta læsione, si reuiuiscat æger remanet tamen corpus ita debile, & eneruatum, ut reliquo vitæ tēpore imbecille permaneat, diminuto autem calore naturali, coctiones nō perficiuntur & reliqui humores corrumpuntur. Vires enim imminuit semper sang. missio ex Gal. 3. de V. acut. 17. hinc Pulsus vermiculantes sequuntur (ex Gal. 2. de presag. ex puls. 9.) sanguinis profluua, & mensium, ac hæmorrhoidarum largas

4. Necū.
Phleb. ner
uos lædit.

5. Necū.
Syncope

Pulsus in
Syncope.

vacuationes , ostendentes arteriam mollem, quidem , sed debilitatam insigniter facultatem, suntquè etiam pulsus (ex 4. de cau. puls. 27.) parui, languidi, inordinati, celeres, & crebri . ob virtutis defectum . Iurè igitur Auer. 7. collig. 8. timuit syncopem à phlebotomia, quia mors in propinquo est . Neque antiqui tam facile accedebant ad eam phlebotomiam, quæ animi defectum parere poterat , nam Hipp. antea considerata proponit , & requirit Morbi magnitudinem, Virium robur , & ætatem firmam, & quamuis eam coactus concedat aliquando , vult tamèn cum timore ad eam nos accedere : vt patet 1. aph. 23. *¶ Vbi usque ad animi defectum expedit ducere , faciendum, si ager possit tolerare.* & Gal. in com. Oportet, inquit, viribus integris atque valentibus tantam moliri euacuationem . Præterea audire licet ipsum Galenum 9. meth. c. 10. dicentem . *Si quidem in sanguinis missione quam usque ad animi defectum faciendam esse paulo ante diximus , quò flamma in Synochis ex meatuum clausura febribus extingueretur, non paruum meritò subsequetur incommodum, nisi opportuno tempore, aut debita mensura fiat. Duos namque in ipsis medicorum manibus perire vidi, qui post, quàm animo liquerentur, nunquam reuixerunt.* Multi verò, et si non protinus, at postea propter virtutis infirmitatem perierunt : quos si quis citrà eius resolutionem vacuasset , minimè perisset . Quin etiam aliqui

Euacuatio
ad syncopē

Ex Phlebotomia quæ
mala.

qui in morbos inciderūt longos, postquam immodica inanitione resoluta naturalis vis fuit. Alijs cum immodica vacuationis noxam sarcire non potuissent in omne reliquum vite tempus totius corporis temperamētum redditum est frigidius. Ex qua refrigeratione facile ex quauis occasione lasi, alij decolorati, ac malo corporis habitu vixerunt, alij ex eo ipso in morbos deciderunt exitiales, aquam inter cutem, & Orthopneam, & iecinoris, ac ventriculi imbecillitatem, & Apoplexiam, & Paralysim, & deliria. & de cur. ratione per sang. m. 12. vtile est pulsus attendere, ne nobis inopinantibus (inquit) pro animi deliquio mors occupet, quod sanè tribus euenisse medicis noui. Venam secabat eorum vnus Mulieri febricitanti, aliorum vterque viro; sed ad tantum animi duxere deliquium vt vires recuperari non possent: proinde satius est, tam copiosis vacuationibus abstinere, nisi magna incumbat necessitas. nec Iuberto doctissimo Gallo placuit copiosa, totiesque iterata sang. missio, vt libello de re hac dicato scripsit. Quæ si legissent quidam nostri temporis medici, minùs profectò faciles in sanguine mittendo essent, nec assererent, id ex Galeni sententia se efficere: nec Experimentis de copiosa sang. missione ab vno, vel altero Medico narratis, vt suam opinionem protegant, errataque alia tegant, multam adhibere debemus fidem; nam Erasistratus, qui nunquam misit sang. sua experimenta producebat sana.

E Syncope
aliquot
Mortui.

Erasistrati
experimenta.

torum absque phlebotomia, & tanti æstima-
batur illo sæculo, vt primatum in Medicina
teneret, & pleraque Medicorum pars Eras-
istrateam se nuncupabat. Eratque talis vt (re-
ferente Gal. adu. Erasistrateos c.4.) *Quorun-
dam iudicio Hippocrati par esse videretur*, ta-
men, vt maximum in Medicina vitium est de-
fectus in phlebotomia, ita maximò maius erit
excessus in effusione sanguinis humani, quam
breui, quandoque illico, sequitur Mors. Nos
etiam Romani omnes æquali modo in nostro
Cælo, quotidie experimur excedentem, ni-
misque reiteratam sang. missionem, maximè
nocere, mediocrem vero mirum in modum
iuvare. Numne Hipp. scripsit. 2. aph. 51. *plu-
rimum, & repète euacuare periculosum, & om-
ne nimium natura esse inimicum*, & prius lib. 1.
aph. 3. euacuationes extremas periculosas di-
xerat, quod si aph. 2. eas dānat euacuationes.
Hipp. quas ægri grauitè ferūt. Quid quæso gra-
uius esse potest, quàm præ vacationis magni-
tudine animo linqui? vnde Gal. 9. meth. c. 10.
in sang. missione iubet nos attētos esse pulsuū
diminutionibus, nè nobis inopinātibus pro ani-
mi deliquio mors obrepat. sic Hipp. 6. aph. 20.
*Hydropici, aut Empiematici dum vruntur, aut
secantur, si pus aut aqua confertim effluat,
moriuntur.* ratio est in pròptu ex Gal. desum-
pta, quia euacuatur vnā cum peccantibus hu-
moribus spirituum copia, quam, dum sustine-
re, vires nō possunt protinùs concidunt, quod si
mors

Hippoc.

Nimir eu-
acuationis
nocumēta.

mors consequitur prauorum humorum in abdomine contentorum vacuationem excellentem, quanto magis ad sanguinis (qui caloris, & spirituum insignē copiam continet) profusam, & prodigam euacuationē, consequetur?

6 Natū.
Lēſio fa cul
tatis ani
malis.

Sexto. Quotidie experimur facultatem animalem à copiosa sang. missione ita laedi, vt amittatur memoria, deficientque sensus, & Imaginatio, & ratiocinatio, vt testatur Hipp. 7. Aph. 9. scribēs. *Ex sanguinis fluxu delirium, aut tiam cōuulsio, malum.* nec mirum, quia si sanguis alimentum est spirituum Vitalium, & ex his gignuntur animales, ablato sanguine tabescunt spiritus vitales, & deficiunt animales, quibus deficientibus Animalis facultas tanquam suis instrumentis priuata actiones, consuetas haud valet perficere, neque solum desipientia, & fatuitas emergunt, sed etiam delirium, seu deprauatio actionum, rationabilis cōmotæ post euacuatū sanguinē, qui eius frenū erat, sed hoc magis accidit redundante Melancholia, vel atrabile, quæ ablato sanguine furit magis, & in maniā, vel melācholiā leuiter desipientes inducit, siccato corpore, ac refrigerato, & consuptis spiritibus humidis, & lucidis.

Delirium.

Septimo. Immanis, & barbara sanguinis missio Senectutem immaturam, valetudinariamque accersit, & naturalem accelerat interitum. Cum enim (inquit Pontius) *senescere nihil sit aliud, quàm mutari à calido, & humido temperamento, in frigidum, & siccum, an-*

7. Nocū.
Senectus
accelerata

I. Pontij
verba.

no-

norum decursu . Nihil est , quod id magis praestet, nec quod citius aduehat eiusmodi temperamenti mutationem, quàm frequentior profusiorque sanguinis missio, propter caloris natiui, & spirituum immutationem, ac dissipationem maximam, quam adfert, tum etiam facultatum corpus nostrum dispensantium, quam inducit, labefactionem. Ex quibus excrementorum quoque prouentus maximus, qui senectutem immaturam non solum accersunt: sed etiam innumeris, ac varijs morbis reddunt obnoxiam. In sanguine etenim multus calor viuendus inest. quem à corde acceptum singulis partibus communicat, multa, & magna spirituum copia, quae una cum ipso sanguine, dum euacuatur, effluunt, ac elabuntur è venis: ut equidem ad illius euacuationem, & spirituum, & caloris natiui non parua imminutio necessario consequatur. Eccè, quæ protulit Doctissimus Lugdunensis. Et neminem ignorare arbitror (inquit Gal. 2. aph. 28.) ex profluvio sanguinis multo citò corpus extenuari: immo ad Tabem perducit, nam 7. method. 6. sanguinis penuria siccitatem facit in exilibus venis, & arterijs .

Extenuatio à sang. profluvio.

Mortis acceleratio.

Accelerat etiam naturalem interitum, si quidem si naturalis mors ex siccitate contingit, teste Gal. 1. de diff. feb. 8. ex sang. profluvio quum siccentur corpora, ad interitum compellentur; nam humidum primigenium, (quod alimento continuo aget quia continuo à calore depascitur) imminuto nutrimento ob
san-

sanguinem emissum deficit, & siccatur. Præterea si naturalis mors fit ex resolutione triplicis substantiæ spirituum, humorum, & solidorum, quo maior erit resolutio, eò citius secundum naturam accelerabitur interitus, addita enim violenta triplicis substantiæ resolutione illi, quæ assiduò naturaliter fit, nulli dubium est quin tanta ibi inducatur eius penuria, ut Ventriculus, ac Hepar viribus naturalibus amissis non solum paulò deteriorem sanguinem gignant, illo, qui ablatus fuit; sed longè inferiorem, ex quo inualidum corpori præstari postea alimentum contingit, hinc atrophia, & mors succedunt. Acceleratur etiam interitus abundantia excrementorum, & inopia alimenti: at in tanta sanguinis, & spirituum resolutione, quæ facultas vigere, & consistere poterit? certè imminuto calore naturali concoctrix facultas inualida non optimum alimentum, sed excrementorum copiam pariet.

Penuriæ
sang. vitio.

Octauo. Iam dixi ex immodica sanguinis effusione debilitari corpora, & concoctricem facultatem lædi, quid ergo gignetur? non optimus sanguinis, sed cruda pituita, & excrementorum copia, quia corpora refrigerata, & relaxata non facultatem tantum concoctricem debilem sortiuntur, sed etiam retentricem, hinc Hipp. 4. aph. 27. *Quibus in febris* (inquit) *sanguinis fluxerit multitudo quamque ex parte: cum reficiuntur, alui ijs bu-*
meçian.

8. Nocū,
Cōcoctrix
debilitata.

meclantur, quod repetit 1. Prorret, & in Coacis. Galenus autem in com. ait. Calore nativo debilitato ex profluvio sanguinis, neque cibi bene concoqui, neque in sanguinem transmutari, multoque etiam magis neque distribui possunt per corpus; propter hæc omnia, aluos fieri humidiores par est. neque solum facultas concoctrix debilis fit circa cibos, sed etiam circa materiam morbificam, Sic enim impediuntur crises, & humorum concoctio, quæ calore naturali opus habet valido, unde in morborum statu non est secunda vena. Sed ex Hipp. quiescendum, ne Crisis impediatur, & natura à coctione distrahatur: illos autem nullas vnquam in suis egrotantibus inspicere crises imaginor, qui quocunque morbi tempore, iterum atque iterum & decies, & duodecies, & pluries sanguinem copiosè detrahunt; & cum nullo modo natura (quamvis validissima) coctioni incumbere possit, vel nullas, vel malas Crises faciet, inconcocta existente (ob caloris penuriam, & vires debiles) materia; sic dum sanguinis missione febrem iugulare satagunt, potius iugulant ægrum, siquidem Hipp. 2. aph. 29. docuit. in principijs morborum si quid tibi videtur mouendum, moue: cum verò consistunt, ac vigent, melius est quiescere. quod optimè explicauit Gal. in com. Non solo vigore (inquiens) exitialium morborum aduentante. sed nec etiam in prioribus temporibus mouere quicquàm oportet Recordantibus nobis, quod deple-

Crises impeditur.

Phleb. impedit Crisim.

deploratos non oportet attingere , sed relinquere , & morbi finem tantummodo pronunciare . Circa initia verò illorum morborum, in quibus speramus egrum conualiturum, tentandum est maiora afferre remedia ; de quibus Hipp. dixit si quid videtur mouendum moue , sunt autem hæc maxime quidem phlebotomia nonnunquam verò , & purgatio ; quorum neutrum oportet in vigoribus adhibere . Vt enim in libro de Crisibus manifestauimus , coëctiones morborum tunc maximè fiunt . Vt igitur hæc citius eueniant, melius est in principijs euacuare , quo minorem iam factam materiam facilius natura possit concoquere . Morbo autem consistente , cum iam natura concoxit , superfluum est euacuare , cum propter alia, tum quia vis animalis maxima ex parte eo tempore est fatigata , licet quàm maximè dua alia vitalis , ac naturalis , fortes persistant . hæc Gal. quibus manifestè asserit phlebotomiam crism instantem prohibere : sed clariùs admirabilis ille Arabs medicorum princeps scripsit. non esse sanguinem mittendum copiosè si crisis valdè distat , sed quiescendum, vel paucum mittendum , vt virtus seruetur ad crism perficiendam, itaque ratione virium seruandarum pro Crisi paucus mittitur sang. in augmento: nihil in statu , & declinatione .

In statu nõ
est mittendus
sang.

Hydrops .

Nono . Copiosa sanguinis excretio sæpè cachexiam, & Hydropem peperit, quod testatus est Hipp. 4. in 6. Epid. 11. *Ex sang. profluuijs*
Hy-

9. Noci.

*Hydrops corripit, & 2. prorret. n. 11. Cui verò multum sanguinis sursum, ac deorsum eruperit, & febris insuper accesserit, et multa aqua repleti iri timor est, atque hic hydrops breuissimi temporis est, & ex quo paucissimi euadunt. Cachexia autem ob fluxum menstruorum fecit mentionem 2. de Morb. mul. n. 3. in qua ubi multus sanguis discessit, color est exalbidus, & facies eleuata, & sub oculis tumores laxi, et crura turpida & uterus humidus, ac sèper præter ratione bians. Gal. autè 2. de Nat. fac. c. 8. Ex diuturnis hæmorrhoidibus vel suppressis, vel immodica profusione hominem ad extremam frigiditatem ducentibus, non semel, aut bis: sed sepe tam aquam inter cutem collectam vidi; sicut mulieribus quoque tum menstrua purgationis omnimoda cessatio, tum immodica vacuatio, cum scilicet uteri nimio sanguinis profluuiio laborarunt sepe hydropem accersuerunt. Ego præ manibus habui à simili causa plures hydropicos, nimirum alios à nimia narium hæmorrhagia, alios à Vomitu sanguinis 10. vel 12. librarum, alios à sanguinis per aluū deiectione, atque etiam ab hæmorrhoidarum, & vulnorum sanguine multum excreto, ut particulatim in meo *Sepulchreto* describam. edere enim volo non paucas quasdam meas viatorias, ut quidam: sed centena contra meam artem, Mortis Trophea, cum cadauerum sectionibus, ingenui viri modo, quamuis ego quoque possem fœlices meas quasdam curas extollere, sed*

*Sepulchretum
Castelli.*

sed

sed in extollēda dignitate propria alijs de pat-
ma cedo : tamen dicam me quandam sanasse
mulierem , quæ malum habitum conceperat
eo, quod chirurgus per incuriam (qui mittere
debuerat ex talo uncias 8.) sanguinis eduxe-
rat lib. 8. quæ vix post annū sanitatē recupera-
uit. immo Petrus Franciscus Paulus *Fatemur*
& nos (inquit) plurimū sanguinis fluxum, seu
sponte fuerit, seu casu aliquo, aut etiam arte, &
ad cachexiā, & ad hydropem quoque perducere
possit: et nos pluries vidimus in maximis hamor-
roidarum, & menstruorum, nariumque proflu-
ujs. Addam etiam Galeni testimonium, 2.
aph. 22. *Sanguis enim cum supramodum, aut*
ex utero muliebri, aut ex venis, quæ hamorrhoi-
des appellantur aut ex ulcere fluxerit, tunc
vel omnes, vel plurimas operationes ij, qui ita
affecti sunt, offensas habent. Nonnulli verò ip-
sorum non modo hac patiuntur, verum etiam
aqua inter cutem corripuntur. huius rei non
est difficile rationē reddere, refrigerato enim
corpore, coctiones imminuuntur, & serositas
genita in cavitatem ventris decedit: fortes au-
tem euacuationes morbos efficiunt, quia
operationes lædunt valida inducā intempe-
ratura.

Decimo. Abortum fieri educto sanguine, 10. Noed.
non est meum inuentum: sed Hipp. 5. aph. 31.
Mulier utero gerens, sanguine misso ex vena,
abortit, & magis, si fœtus, sit maior. Galenus
ex defectu alimenti id accidere fatetur, & aph.
60. addit

Historia.

Abortus à
phlebot.

Bozallus

60. addit Hipp. *si mulieri utero gerenti purgationes eant, impossibile est fœtum esse sanum.* equidẽ scio quosdã cũ Bottallo reprehensuros Hippocratem. nam plurimis utero gerentibus vtiliter mittitur sanguis ex Celso nostro, sed Hipp. (vt etiã Zecchius cons. 90. sentit) intellexit non de parca sang. missione ex brachio, sed copiosa ex talo, vel dicerem loqui comparatiuè magis, & minùs. nobis satis est scire si non semper, plurimùm saltem id accidere, ob id hoc etiam periculum instare ex copiosa sang. missione.

11. Norũ.

Phleb. in
principijs
apostema-
tum mala.

Vndecimo. Ex Auicenna habemus, quod in Apostematum principijs penitus phlebotomia est domittenda, *quia humores subtiliat, & eos per corpus fluere facit, & eos sano sanguini admiscet, & est etiam, quum nihil euacuatur ex eo, quod oportet.* 4. hic nocumenta ab Auic. enumerantur phlebotomiæ factæ in principijs inflamationũ, de quibus gratis reprehenditur à Sophistico Florentino, vt etiam aduertit Bettus hoc loco, sed Auic. (connotante Costæo) Hippocratem imitatus est. 4. Acut. 22. *Quicumque autem ea, quæ inflammantur, statim morborum inter initia medicamento soluere conantur, ij non solum ab intensa inflammataque parte nihil adimunt, cum non cedat obsequaturque, quæ adhuc cruda est affectio; verum quoque & quæ morbo resistentia, & sana sunt, absumunt colliquantque, ubi autem corpus imbecille fit, morbus praualet;*

*let: ubi autem morbus corpori prauauerit ,
remedium non habet.* Et quæ de purgatione dixit Hipp. ad phlebotomiam transtulit Auic. cum Gal. 14. de cur. rat. per sang. missionem ob phlegmones malignitatem interdum nihil ab ea emittitur , sed inibi fortiter constringitur: nam quum in phlegmone respiciatur sanguis vel fluens, vel fluxus , per venæ sectionem poterit quidem deriuari fluens: at fluxus , & extrauenatus nequaquã: immo neque scarificatione tolli commodè potest. iurè igitur dixit Auic. *nihil euacuatur ex eo , quod oportet.* quod si natura valida segregauerit humores prauos, & eos expulerit ad aliquam partem, ubi coaceruati putrescant , facta venarum inanitione , retrahuntur illa excrementa in venas sic sano sanguini miscentur. Quin etiam verè dixit eos per corpus fluere non enim conuenit decumbentes in aliqua parte humores retrahi in venas, & in ijs versari, ac per corpus spargi, vt si V. S. esset bilis expulsa ad aliquam partem , & putrescens . ideo Auic. vult sang. mitti in principio antequã figatur materia, vel concocta iam est, non autem in eo tempore in quo fixa iam est, & coqui incipit, quod verò phlebotomia humores subtiliet, negat quidem Petrus Franciscus Paulus , sed non intelligit quod negat , nam post multam sanguinis missionem adeò attenuatur, & Fluidus fit sanguis, vt serosus euadat, quod sæpe obseruauimus: nam imbecillum Hepar , & imbecilli renes

Auic sumit
ab Hipp.

Explicatur
Auic.

Phleb. humores subtiliat.

seram à sanguine non segregant ampliùs quia concoctrix debilis est, & refrigeratum corpus, & in principijs inflammationum misso è vena sanguine, quod relinquitur in venis subtilior, & aquosior redditur: nam euacuata venæ à parte inflammata trahunt; sed non cedit affectio cruda, & sanæ partes absumuntur, & colliquantur in serosam humiditatem, quæ serositas sanguini venarum admixta ipsum subtiliorem reddit. recte igitur loquutus est Auic. sed non intellectus à Barbaromastige Florentino, quem tanti faciunt quidam.

12. Nocū. Duodecimo. Scribit Eruditissimus Auicenna. *Phlebotomia, propterea quod ad diuersum trahit, aluum valde astringit. Quumque*

ex multa minutione debilitabitur virtus, multi generabuntur humores. Hoc difficile creditu Barbaromastigū scholæ videtur, & Susio p. 111. tū quia id retulit Auicēna, cui se opponere audent (sed Elephas non curat culicem) tum etiam quia ex Hipp. colligunt, potius ventrem humectari: immò nos quoque supra n. 8. hoc pro nocumento phlebotomiæ attulimus. Galenus antem 1. aph. 23. secta vena ad syncopim *pluriès etiam aluus citatur* scripsit. quod etiā repetit de curat. per sang. m. 12. & fatetur Auic. 1. 4. tr. 2 c. 45.

Nobis verò respondere conducit, tantos illos philosophos nescire, illud, quod fit per se, ab eo, quod fit per Accidens, distinguere, Namque copiosam sanguinis euacuationem sequi-

sequitur quandoque per accidens alui fluor, quia nimium refrigeratur corpus, & calor naturalius redditur debilis, admonente Gal. 4. aph. 27. unde neque concoctrix, neque retentrix valida permanent, alui autem fluor symptoma est retentricis ventriculi, hepatis, & intestinalium relaxata, & ita per Accidens succedit copiosa sang. missioni. At est contra ipsa abundantior sanguinis diminutio per se, propriè, & natura sua aluum exiccare solet, adhibita tamen distinctione, quam docebimus infra. quod non solum confirmant Auicennæ interpretes Gentilis, Dinus, Vgo, Bettus, & alij: sed probare conabor ratione, exemplo, & inductione. primum quidem quia reuellit: ut asserit Auicenna, & certum est, phlebotomia trahi humores ad Venas; quapropter tam à centro ad circumferentiam, quam à circumferentia ad centrum trahere dicenda: cutaneas enim ad centrum, intestinales verò ad circumferentiam: cum igitur ob inanitionem venæ trahant ab intestinis, iurè Medici cōsulunt fœces, & materias in intestinis existentes clystere prius esse educendas, quàm celebretur phlebotomia, timentes tractū iri eas humiditates à Venis exhaustis, quæ excrementosæ nimis sunt. Hinc etiam dicemus, si corpus totum à phlebotomia exiccatur, (ut diximus paulo antea num. 7.) exiccari etiam fœces in intestinis commorantes, quia venæ exinanitæ violenter exugunt per meseraicas excrementorum in-

Phleb. per
acid soluit
aluum.

Phleb per
se siccat
fœces.

intestinis humiditates, ob quæ necessariò fœces induratae retinentur. Et cur (quæso) in Dysenteria sang. mittunt Medici? an ut sanguis, & aluus fluant magis? an verò, ut reuulsione illa sistantur? sed quid mirum? multa alia reuellentia, & corpus exiccantia fœces in aluo siccant, & remorantur, qua propter meminit Hipp. 5. aph. 83. *miellio noctu plurima facta paruum significat deiectionem*, quia inquit Galenus, necessarium est ventris humore distributo, minorem fieri alui deiectionem: pariter etiam legitur in Hipp. de dent. 2. *quibus pueris multum lactuosum reuomitur bis aluus supprimitur*, & 5. in 6. Epid. tex. 28. *Mistio, qua in ventre sunt indurat*. Galenus autem in com. *Omne corpus venere exiccari constat: sed non semper alui excrementa propterea sicciora fieri cernuntur. Verum, quando ab ipsis valde oppressa fuerit, & quando vires labefactatae, & membra à quibus alimentum conficitur, & in ventre contenta distribuuntur, refrigerata fuerint, cum coitus, qua in ventre sunt, frigefacit, & duriora reddit: volunt enim ex costu in ventre contenta frigescere, & ex frigore durari; atque duritiam non frigoris, sed siccitatis ratione euenire monstrauiamus. quæ omnia de coitu à Gal. dicta nos ad vnguem de phlebotomia adducimus. Vnum addere liceat, nimirum copiosam sanguinis euacuationem ratione diuersi subiecti Symptomata variare moxmo dicta, facta nempe in corpore naturaliter tem-*

Venus sic-
cat.

Diuerfa
actio phle-
botomiz.

pera-

peramento frigido, & humido, quia frigiditatem augebit, ac cruditates consequentur, alui fluôr emerget; si verò temperamentum in scœlicis ægrotantis calidum, & siccum fuerit, aucta siccitate excrementa intestinorum magis humido priuabuntur hinc reddita sicca, & dura sistentur.

Clarum quoque est illud, quod retulit Auic. scilicet debilitata virtute, & excrementis retentis, humores prauos produci, multiplicari, & in corpore dominari, ideo cap. de Hydrope scripsit idem Auic. *Et nocibilior euacuationum est euacuatio sanguinis: propterea quod virtus debilis non valet regulare humiditates, quæ in venis continentur, quo fit, ut derelictæ à regimine naturæ facile corrumpantur, & sic accedat malorum humorum multiplicatio.*

Decimotertio. *Prægnans præterea (vt Auicennæ vilum est,) et menstruata non minuatur, nisi propter necessitatem.* hoc est maximum nocumentum, quod sæpius in praxi obseruauimus, ex facta enim vel mediocri sanguinis educatione, dum mulieres purgantur, fit talis reuulsio, vt cessent menstrua, & difficultè in posterum redeant, quod in scœminis pessimum est, cum multæ ob id valdè ægrotent, vnde & medicus eas interrogare, & ipsæ fateri debent ante phlebotomiam, an menstrua fluant, nec nò. igitur dum menses fluunt nullo modo secanda est vena. quia si facta fuerit sectio in brachio, motus naturæ deorsum reuelletur sursum ad

Vt Excrementa producant humores.

13. Necn.

Menstruata non phlebotominatur.

partem contrariam, Quare naturalis sanguinis euacuatio impediatur: conceditur tamen si menses nimis fluant reuulsionis gratia, quia Galenus docuit. de cur. ratione per sang. m. c. 6. *sectam in cubito venam mulierum purgationes reuellere*. 2. prohibetur Venæ sectio in Menstruata, quia si multa facta fuerit, & ex talo; vel augebitur fluxio attractio, & magis concitato sanguine vel deficiet ægra ex duplicis sanguinis euacuatione, etenim, si iubet Hipp. 4. Acut. 116. *Si cuipiam sanguinem auferre confert, ventrem confirmare oportet*, & Gal. in com. *fluente aluo sang. non detrahes, nam si post detractionem perseverat fluor virtutem prostermit*. multò magis observandum est ne ab Vtero sanguine fluente detrahatur sanguis à Vena. 3. non est brachij secanda vena in hoc casu. Ne sanguis copiosior, & deterior, naturæ lege, ad partes ignobiliores, & inferiores expulsus reuellatur ad membra superiora, & nobiliora. Botallus autem cap. 6. non veretur sang. mittere fluentibus mensibus, lochijs, hæmorrhoidibus, &c. siuè criticè, siuè symptomaticè fluant.

Phlebot.
reuellit ab
Vtero :

Botalli
error.

14. Necñ.
Humores
crudi pro-
hibent
phleb.

Decimoquarto. Ait Auic. *quandoque est repletio ex humoribus crudis, & est tunc phlebotomia multum impediens, quoniam si minueris, non maturabis eos, & timebitur, nè ager perdat*. hæc autem recepit verbatim, à Galeno lib. de venæ sect. c. 6. vbi ait, *fieri enim potest, ut crudus per corpus collectus sit succus, in quo*

quo

quo aduertendum diligenter est , quantum valeat robustaque sit virtus , & quantum humor ipse sit refrigeratus : nam exsoluta ab id genus affectibus virtus , adhibita sanguinis missione , in extremum malum recidere solet , vt nequaquam postea restitui possit . Quod vbi euenit , periculum non leuè consequitur , potissimum si febris accedat statu aestiuo , stomachoque male affecto , aut toto ad id corpore natura molli , & temperie humido : eiusmodi enim hominibus multa accidit per balitum digestio , repentinaque syncopa , etiam si febris haud magna inuadat . Si verò horum nihil sit , ceterum hyems fuerit regionè natura frigida , tum natura quoque hominis frigidior , ijs per sanguinis missionem , & totum corpus grauiter refrigeratur , & accidunt non nulla , quae ad grauem sequuntur refrigerationem , symptomata . Quo circa qui sic affecti sunt , eos sanguinis missione vacuare non conuenit . Quis vero fortasse opponet . C. Celsum lib. 2. c. 9. dicentem , Cum sit autem minimè crudo sanguis mittendus , tamen ne id quidem perpetuum est . Neque enim semper coctionem res expectat . ego autem responderem Celsum loqui de morbo , nō autem de materia cruda : sed si instaretis vos afferendo Galeni auctoritatem de cur. ratione per sang. m. cap. 13. nullam esse crudorum humorum tantam talemque plenitudinem , quae hoc inhibere auxilium possit . Responderem Vos non intelligere clara Gal. verba , si quidem loquitur de ma-

Celsi explicatio .

Gal. diluendatur .

Virium ro-
bor non est
cum crudi-
tate.

gnitudine morbi coniuncta cum cruditate, & vi-
rium robore, impossibile enim censuit simul
posse copulari cruditatem, & virium robur,
vnde vno existente abest aliud, ideò supra c.
9. dixit. *ubi tanta crudorum humorum copia
accumulata est, ut secundam venam prohibeat,
istis virium robur non est.* si verò fuerit vi-
rium robur, non poterit adesse magna crudi-
ditas. igitur si fuerit magnus morbus cum vi-
rium robore, quia non potest adesse magna
cruditas mittetur sanguis copiosè, si verò
fuerit morbus magnus cum viribus debili-
bus sine cruditate mittetur sanguinis pa-
rum, & existente morbo magno cum cru-
ditate, & virium imbecillitate, nequaquam
mittatur. Sed de morbo magno, & syndrome
ab Hipp. allata, & à paucis benè intellecta
notandum, quod quando Hipp. magno mor-
bo opponit sang. missionem, non opponit re-
medium specificum generico morbo, sed de-
truncatè loquitur more proprio, qui non
semper affert omnes distinctionum partes, nos
autem complere distinctionem debemus, &
genericum generico, ac specificum specifico
tollere, & quia vnum non nisi vnum indicat.
Morbus magnus genericè indicabit remediū
magnum, quod multiplex est, specificè autem
morbus sanguineus, remedium sang. phlebo-
tomiā, & ambo miscēdo dicemus magnū mor-
bū sanguineū requirere magnū remediū san-
guineū, id est, phlebotomiā ad syncopē, si tamē
id

Magnus
Morbus ut
iudicet
phleb.

id permiserint virtus, & ætas. Ita Hipp. i. de M. Mul. 103. venā secat difficulter pariēti si sit iuuenis, in vigore, & multo sanguine referta, & sanguinem detrabere virium respectu habito.

Decimoquinto. Pergit Auic. scribere pericula iminentia ex phlebotomia hisce verbis.

Quum verò sanguis alicuius fuerit bonus, & parvus, & fuerint in ipsius corpore multi mali humores, phlebotomia bonum rapiet, & malum relinquet. hæc sententia desumpta est à Gal.

2. de hum. 15. Cū in corpore sanguinis probi exigua sit copia, & crudi humores sint admodum multi, tum nec venam secare, nec purgare, nec exercere hominem oportet, immo verò neque

mouere penitus, neque lauare conuenit siquidem

venæ sectiones probum sanguinem euacuant, &

prauum. qui in primis potissimum venis, quæ

in iecore, & lactibus sunt, colligitur, in totum

corpus attrahunt. ecce quod ad verbum Ga-

leni verba transcripta sunt ab Auic. quam sen-

tentiam repetit 4. de sang. m. c. 5. At, si in eo-

dem homine reliqua eadem sint, caterum in-

lasso corpore sanguis bonus exiguus sit, crudi

humores plurimi, huic nec sanguis mittendus,

nec alui deiectio, aut exercitatio, aut omnino

motus, aut balneum adhibendum, quippe incisa

vena bonum sanguinem emittit. malum, qui

in primis maxime venis circa iecur, & quod

mesenterium vocant, colligitur, in totum attra-

hit corpus. Heus (Amici Iuuen.) adestò, &

considerate Auicennam cum Galeno conue-

15. Necē.
Si sãg pati
cus nō mir
endus.

Auic. &
Gal. con-
cordes.

nire

nire ad vnguem: Vndè qui Auicennam reprehendit, simul etiam Galenum accusat, qui autem Galenū accusat, non est bonus Galenicus: sed Petrus Franciscus Paulus ille Galenum in his Auicen. verbis accusat. ergo falso se dicit ex Galenica secta.

Decimosexto. *Et sūmopere tibi caue nē agrū*
 16. Necū. *ad vnam duarum perducas rerum: scilicet hu-*
 Bilis ebul- *morum cholericorum ebullitionem, & frigido-*
 litio. *rum cruditatem.* & pag. sequenti ait. *& phle-*
botomia quidem quum non est necessaria, *cho-*
leram rubeam ebullire facit, & postea aduenit
lingua siccitas, & quæ sibi sunt similes. Hic in-
 surgunt Arabū detractores, & multa adducūt.
 sunt quidem contraria ebullitio, & frigiditas,
 sicut alui astrictio, & fluor, de quibus num. 12.
 verba fecimus. alibi autem ostendimus spiritū
 Vitrioli calefacere, & refrigerare, quod ratio.
 ne subiecti contingit diuersi. itaque Barbaro-
 mastix, Petrus Franciscus Paulus, & cum his
 Leon. Iacchin. denique Sufius, pag. 116. ne-
 gant à Phlebotomia bilem inflammari. Verum
 Auic. id videtur repetere. lib. 4. cap. de Cura
 Caufonidis. *Et nō phlebotometur, fortasse enim*
inflāmabit eos, & fortasse iuuabit eos si fuerit
Vrina turbida, & rubra. Quærunt & Aduer-
 sarij huius rei rationem. Nos 1. opponemus
 Auctoritatem Hipp. 3. in 6. epid. & lib. de hu-
 moribus circa finem, qui de Venæ sectione
 ait. *Impedimentum ijs, qui cruenta expuunt.*
tempus anni, pleuritis, bilis. Ergo bilis impe-
 dit

Bilis prohi-
bet phleb.

dit sanguinis missionem. Gal. in com. *Secciónem prohibet bilis, hoc est humor biliosus, qui redundet in corpore, perspicuum enim est sub eanem venam non secari, neque etiam si homo sit admodum biliosus.* Ecce Auic. sectatur Galenum, ratio autem huius rei desumi potest ex Gal. 4. de san. tu. 4. vbi docuit sanguinem esse in medio bilis, & pituitæ: huius, quia est sanguis crudus: illius, quia est sang. assatus, optimus autem sanguis contemperat sua mixtione vtriusque vitia. ablato autem sanguine, qui frenum erat ipsorum, vtraque efferatur, & agit sola: vnde bilis ebullit, pituita cōgelatur, quare dominante in Corpore bile non debet sanguis mitti. Docuit etiam ibi Galenus sanguinem peccare vel quantitate, vel qualitate: si vitiosus fuerit; vel per se solus erit vitiosus, vel alijs humoribus admixtus: & hi erunt vel frigidiore ipsa, vel calidiores, vt pituita, & humor crudus, bilisque flaua, & atra, & addit, sang. per se Vitiosum, vel copia peccantem, si adfuerit virium robur esse emittendum, vel secta vena, vel alio modo. *Quod si Vitiosi tantum succi, hique citrà sanguinis copiam subsint, purgatio petenda est, quæ infestanti excremento sit accommoda.* præterea scribit eodem cap. humorum differentias quasdam, *Quoniam alij, priusquã ad exactum sanguinem nutrimentum perueniat, velut semicocti sunt, alij prorsus incocti, crudique, alij paulo absunt à sanguinis forma, rursus alij sanguificationis veluti*

Cur sang.
frenū bilis.

Sang pec.

Quando
sang. mit.

veluti vltima pars, qui utique excessu caloris
proueniunt, (quorum alij paululum, alij plus,
alij plurimum à sang. receſſerunt) vbi pau-
lulum, vel citrà sanguinem reſtitum, vel ultra
proceſſum eſt, audacèr mittendus ſanguis eſt
vbi plus, conſideratius agendum, vbi plurimum
in his nullus omninò mittendus eſt. Inſpicere
verò, & quantitatem conuenit, ut V. G. ſi bo-
nus ſanguis exiguus ſit, reliquus verò ſuccus
plurimus: utique in his abſtinentum à detra-
ctione ſanguinis eſt. ſin is quidem exiguus,
ſanguis verò copioſus, audacèr incidenda vena
eſt. itaque Galenus prohibet ſang. miſſionem
exiſtente copia humorum plurimum receden-
tium à natura ſanguinis, quales ſunt crudi
ſucci, & bilis, proinde in febribus à pura bile
non eſt ſang. mittendus, neque in Cauſo bilio-
ſo mittit ſang. Hipp. 4. de Viſtu acutorum,
immo neque Gal. in Tertiana cont. lib. 1. ad
Glauc. quos ſequitur Auic. quando ſcripſit.
In febribus autem à minutione cauendum eſt,
ſcilicet in ijs, quæ vehemētis ſunt Calefactionis,
& inflammationis. id eſt, in ardentibus bilio-
ſis, & quia ex Vrina ſumitur ſignificatio hu-
moris dominantis, ideò ſubdit. Et ſi urina
fuert ſubtilis aut ignea, caue tibi à phleboto-
mia. concordans cum Gal. 4. de ſan. tuen. ci-
tato. Pallidiores Vrinae bili abundāte cernun-
tur quod ſi meracior bilis eſt etiam planè ſtatio-
res. Concedit autem phlebotomiam Auic.
exiſtente Vrina craſſa, & rubea, quia ſanguini-

Feb. bilio-
ſe non
phlebot.

nem

nem dominantem ostendit possem equidem
perpulcras afferre de bilis efferuescentia ex
Hipp. 4. de morb. 23. sententias: sed nolo esse
longior, addam tantummodo Auicennam ex
colore sanguinis exeuntis cognoscere domi-
nium humorum: ideo dixit. *Amplius sanguinis
qui egreditur colorem attende, & si fuerit
subtilis albedini attinens, ipsum illico retine.*
biliosus enim vel pituitosus est, quod docuit
aliàs Galenus.

Itaque bile peccante phlebotomiam esse
nocuam probare placet legitimæ scholæ Pari-
siensis auctoritate, quamvis forte alij aliter
opinentur, si quidem Fernelius Hippocrates
Gallus in methodo curandi feb. c. 11. scriptū
reliquit. *Vena sectio exquisita tertiana est in-
commoda, ut quæ utilem, ac necessarium humo-
rem detrahit relicto impuro, ac noxio, sub hac
enim febre attenuatum corpus esse solet, pauci-
que sanguinis: bilis verò acrior ipsa febris ma-
teria sub cauo iecoris exuperare, & astuare,
quam vena sectio nō eximit, Nec proinde morbi
substantiam minuit. Immo verò si vel sponte,
vel arte nimium profusus sanguis sit, plerum-
que deprehendes bilem acrius ferocire, febremq;
inualescere. Peccant igitur, qui ex Urina cras-
sa, atque citrina statim mittendum sanguinem
pronunciant. at hic certè apparet à Ferne-
lio Auicennæ verba esse transumpta. Præterea
D. Fontanonus c. de causo. *Raro in hac febre
fit sanguinis missio, nè bilis nimium efferueat,**

Schola Pa-
risiensis nō
secat
Venam im-
bile pec-
cante.

Fernelius.

Fontan.

maio-

maioresque vires minuto sanguine acquirat, ac morbus augeatur. Itaque vitanda nisi nos alia circumstantia cogant, tumque non ultra quatuor uncias sanguis detrahendus. Hic fuit Monspeliensis. ergo nec ipsius schola ita audax est, ut dictum fuit, & uncias 4. tantum mittit.

Libertus.

Iubertus autem in eodem cœlo, ait mediocrē sang. euacuationem esse ab uncijis 4. ad 8. magnam verò ab uncijis 10. ad 15. sed Capiuaccus noster cap. de Tertianā cont. ita loquitur. *Sanguis vacuandus, nisi per venam sectam immineat periculū ebullitionis cholericorum: nam tunc phlebotomia mortis esset causa. Hoc autem periculum imminet, dum bilis putrescit in venis non totius corporis, sed alicuius partis determinata: tunc enim post venam sectam, deducitur in venas communes totius, quarum sanguis iam est imminutus: dum ergo bilis post venæ sectionem petit venas communes, miscetur eam exiguo sanguine, qui restat, & sic post venæ sectionem maior copia bilis reperitur in venis, quam ante venæ sectionem; unde necessario fit ebullitio cholericorum. Certè Capiuaccus fuit Galenicus, & quo non Galenior alter, nec censuit Auicennæ sententiam allatam esse contra Gal. & falsam. Sed dicent aliqui se nolle his credere, sed suis experimentis, ego autem meis credam, scio autem aliquoties data opera me in tertiana biliosa intermittente venam secasse, quæ statim duplex, vel continua euasit: signum ebullitionis certissimum.*

Experientia

Deci-

Decimoseptimo. Iam dictū est phlebotomia facta recrudescere, & congelari humores crudos: id esse verum, modò est ostendendum. itaque ex Galeno constat à phlebotomia corpus refrigerari, sed ea refrigeratio non concoquit crudos humores, nullo igitur modo conueniet, immo refrigerando magis eos congelabit, & refrigerabit. & num. 14. iam satis ostendimus contraria quodammodo esse cruditatem (cum fiat ab imbecillo calore,) & virium robur: vnde existente cruditate non potest adesse virium robur, sicut è contrà præsente virium robore, magnā cruditatē esse, negatur. si ergo cruditas indicat in corpore diminutum calorem, seu frigiditatem esse, & Gal. atque Auicennas, ipsius fidus interpres, prohibent venæ sectionem, vt supra dixi, in tempore, regione, complexione, & ætate frigidis, cur erit sang. mittendus dominātibz frigidis humoribus? Gal. 12. meth. cap. 3. verba faciens de febricitantibus vbi maxima crudorum succorum copia est, & Syncope facillimè capiuntur. *Nulli talium (inquit) sanguis mitti sine maximo dispendio solet, cum tamen vacationem desiderent: verum nec sanguinis missionē, nec purgationem substinēt, vt potè quos sine his syncope subito adoriatur.* Nequē hæc, neque ea, quæ n. 14. attulimus videtur considerasse Salsus, qui cap. 9. promittens ostendere Cruditatem non officere sanguinis missioni. ad Gal. contrarias auctoritates non respondit.

17. *Nec.*
Cōgelatio
humorum.

In succo
crudi non
mittitur
sang.

Sanguis non
catur.

dit. sed vnum tantum Gal. locum sibi fauentem attulit. de curand. ratione per sang. m. cap. 12. & hoc solo loco suffultus asserit eos decipi, qui contrarium asserunt. sed debebat Galeni apparentem contradictionem tollere Galeni autem verba hæc sunt. *Vbi ergo multa euacuatione est opus, verum vires sunt imbecilliores, in his euacuationem partiri expedit, uti nimirum, & me fecisse vidistis in ijs, quibus crudiorum inerat humorum copia. Nam pauculo sanguine detractō, protinus melicratum, exhibeo probe coctum cum incidentium medicaminum quopiam, velut Hyssopo, origano, & interim etiam nepita. aut pulegio aut certè cum Melicrato oxymel. aut oxyglycy: ac sic rursus sanguinem minuo, vel ipso eodem non nunquā die; interdum die postero, in quo rursus exhibito propositorum medicamentorum quopiam iterum de sanguine quid aufero: ac rursus 3. die similiter bis.* sed non considerauit Salsius paulo ante c. 10. Gal. scripsisse. *At vbi crudis succi exuperant, antequam morbus inuaserit, cautè vacuabis: sed vbi iam febris corripuerit, et ante monui, nequaquā.* cap. enim 9. dixerat. tales non ferre Venæ sectionem, nos autem diligenter Galeni verbis consideratis contradictionem tollemus, non solummodo dicendo à crudis succis magnam euacuationem, non paruum vetari, quod per se patet, vel c. 12. intelligere cruditatem in primis vijs, alias in Venis. sed cum Gal. loc. cit. in cruditate cum febre

Gal cōtra-
dictio ex-
plicatur.

febre nullo modo esse, sanguinem mittendum, quia virium robur esse nequit cum abundantia succorum crudorum, sed stante cruditate antequam febris adueniat *cautè* vacuandum, id est, partitis vicibus. At qualis cruditas hoc permittit? colligitur ex Gal. verbis *vires imbecilliores*, atque etiam *crudiorum humorum copia*. quæ voces comparatiuæ diminuunt ipsorum essentiam, & idem valent, ac si diceret *vires parum imbecillæ*, & non valde *crudorum*: nam cum extrema cruditas significet extremam virium debilitatem, & omnino prohibeat Venæ sectionem: parua cruditas indicabit paruam virium imbecillitatem, quæ ferre poterunt paruam, & repetitam (quia est copiosa materia) per venas euacuationem: & hoc pacto est intelligendus Gal.

Sed forsan afferret aliquis Galeni verba 4. de Viâtu Acut. 111. *Vt ignis prope extinguitur immissis lignis, tum humidis, tum multis nisi quis multitudinē sustulerit: sic & in frigidiorē ob copiam sanguine, ubi calor natiuus propè extinguitur, præsentissimum est remedium sanguinis missio, quo tempore periculum ita prehenderit.* Cui facilis esset responsio à copia sanguinis grauante per accidens refrigerari corpus ob suffocationem, etiam si adfuerit sanguinis calidi copia, vnde non potest inferri, in frigiditate à crudis succis suffocantibus esse etiam, sang. mittendum.

Oppositio.

Resolutio.

Decimooctauo. Hipp. in Coacis sect. 3.

F

ver.

18. Notæ.

Quando in
pleuriticis
non secāda
vena.

ver. 79. apud Cornarum, & Martianum, & lib. 6. sect. 2. aph. 18. Hollerij, & apud Duretum, lib. 3. in fine. *Dolores secundum latus in febribus tenuiter consistentes, citra notas, venæ sectio ledit. Et si auersantur cibos, atque Hypochondrium attollitur. Et in perfrigeratione, ac torpore non sine febre detractio sanguinis offendit, & cum melius habere se putent, moriuntur.* 4. affectus hic proponit Hipp. in quibus non conuenit venæ sectio, quo patet error Botalli in omni morbo sanguinem mittentis, & Celsus noster in morbis. *sanguinem mittere nouum non esse scripsit. Sed nullum penè malum esse in quo non mittatur, nouum est.*

Pleuritis
leuis.

Scholæ pa-
risiensis sen-
tentia.

Primo. Autem prohibet Venæ sectionem, Hipp. in quodam Lateris dolore *ἱχρῶς* idest qui *tenuis* vt vertit Cornarus, vel *æqualis* vt Duretus. Nam si affectio fuerit leuis, & parua, non aderit magnitudo morbi indicans phlebotomiam: ideo Gal. in quadam læui pleuritide. 3. in 6. epid. 44. noluit sang. mittere: ita Holler. Iacotius, & Duretus Scholæ Parisiensis præclara numina cū Martiano nostro infelicè iudicant in hoc casu venæ sectionem. si autem intellexerimus dolores æquales, vt contradistinguantur ab acutis, qui, vnā tantum particulā afficere, sentiuntur, & idem erunt, ac *dolores costarum laxi*. de quibus Hipp. 3. in 6. Epid. 32. & hi sunt sinè notis veræ pleuritis, vel sanguinis peccantis, phlebotomia offendit hos, quum enim non fiant à sanguine

Pleuro
pleuritis.

& in

& inflammatione, nocet sang. missio: fieri enim possunt à flatu, & pituita Crassa, in quo Casu. *Holler. Pituita quidem crassa lentaque in lateribus harente, & in flatu resoluta tendente, & ita disruciante agros, aut intemperies sola, noxia vena sectio est.* idem sentit Iacotius hisce verbis sententiam suam propalans. *Interdum verò affectus toto genere repugnat, ut cruditas, aut cacochymia sola. In cruditate enim robur virium non adest, & secta vena quicquid est probi sanguinis euacuatur, prauus verò (qui in primis potissimum venis, quæ sunt in iecore, & mesenterio, consistit) in totum corpus trahitur. Vbi verò parum à forma sanguinis factus est ad utrumque excessum recessus, deliberatio non inciditur: ubi plurimum planè abstinendum. In cæteris cautiùs agendum præsertim cum in alium humorem insigni mutatione sanguis conuersus fuerit. Duretus verò. exoritur autem à prolapsu catarrhi, non ab orgasmo sanguinis: in eo, inquã, dolore phlebotomia nullam vim habet retrahendi catarrhū concitatū, nec detrahēdi consistens. Ergo nec iure nec loco ad eum dolorem præscribitur phlebotomia: proptereaque tantum abest, ut aliquid opis adferat, ut plurimum noceat: quia multum adiicit catarrho, ipsum gignendo per frigus, eundemque ciendo per infirmitatem potentie retentricis, quam infert. & ex his patet secundum veram scholam Parisiensem in dolore lateris ob catarrhum pituitosum, &*

Pleuritis à
flatu.

Pleuritis à
catarrho.

flatus non conuenire phlebotomiam; ita etiam obseruamus Hipp. 2. de Victu acutorû, flatuosam pleuritidem fomentis sedare tentasse, non venæ sectione. Vnde subdit, *sectio autem non similiter soluit dolorem, nisi is ad clauiculam pertingat.* ita igitur experimento agnouit Hipp.

Dolor lateris à bilio in Vêtriculo.

Cur phleb. nocet.

Martianus autem doctissimus com. citati tex. censet Hipp. loqui de dolore à materia tenui, & biliosa ventriculû obsidente, & probat eruditissimè in tali casu non conuenire phlebotomiam; quia cachochymia biliosa iuuatur à purgatione, & læditur à phlebotomia; Nam humor noxius tenuitate peccans, sanguine misso adhuc tenuior redditur: quare accedente febre, quæ succos exurit, & tenuitas augetur, & acrimonia, venæque per phlebotomiam inanità cachochymiâ biliosâ trahentes, morbum geminant: quia denique per venæ sectionem Ventriculus magis debilitatur, & acris ichoribus repletur, quod quidem palam faciunt, & lypothimiæ, & vomitiones à venæ sectione contingentes, vnde commune præceptum est ventriculo laborante à venæ sectione abstinendum esse, quæ, si affectio simpliciter ventriculo tantopere lædit, quæ læsio expectanda erit, quâdo causas morificas adeò exacerbat?

Aliud est phlebotomiæ impedimentum in dolore lateris, quod etiam Hipp. attulit lib. de hum. & 3. in 6. Epid. 5. nimirum sputatio san.

sanguinis . nam si in pleuritide expuat æger , quo vergit educere oportet , non autem reuellere: misso autem sanguine pleuritis salubris fieri posset lethalis . sed prius dixerat Hipp. *propter inclinationem non item sanguis exit , sed pro humoris cognatione talia expuant .* (idest biliosum , pituitosum , vel melancholicum) *Nō nunquam aliquibus sanguinem detrabi conuenit , opportune in talibus , in alijs verò , vt in talibus non conuenit .* Ecce ex Hipp. non omnibus conuenit phlebotomia Gal. autem com. 43. *Expedit , inquit , horum aliquibus sanguinem detrabi , quibus scilicet is copiosus est , et non dum insigniter ad alterum humorem conuersus , Non detrahendus est autem in quibus iam mutatus est ,* Sed placet aurea quedam verba Dureti , loc. cit. adducere , vt Scholares Parisienses à præceptore edocti agnoscant errata , quæ committi possunt . *Si tum ex facili , tum cito , & liberaliter expurgetur , ac sputo flauum exactè permixtum sit : tum careat omni excursu , quem ciēt febris , omnique coryza , & vrinarum bella sit coloratio , phlebotomiam non exigit ; sed respuat potius . & auersetur : quoniam detrahendo sanguinem . sputum , quod omni arte ciendum erat , retrahitur , ipsaque sistitur anacatharsis , quæ liberalis erat , & libera , quæque ipsa per se facit , vt nihil opis requirat pleuritis à medico : quia tum sua sponte quiescit . Ergo in tali pleuritide , per se sanabili à phlebotomia periculum est , ob impe-*

Sputum in pleurit. prohibet phlebot.

Ad scholares paritiē ses .

Pericula
phlebot.

ditam anachatarfim, quæ libertate spūendi & liberalitate, votis natura, et Medici respōdebat; ne taceam lateris infirmitatem, quam infert repetita carnificum phlebotomia, quamdiu pleuriticus liberali, & libera fruitur expurgatione sputi, sanguine paucō permixti. ex his patet, non in quolibet pleuritidis tempore secandā esse venam. Sed ante sputi educationem.

Pleurisid
septū trās-
uersum.

Denique altera etiam Pleuritis est, in qua, secundum Hipp. de Vi&u Acut. Duretum in Hollerij praxi, & in Coac. in fine lib. 2. Prof. Martianum de Vic. Acut. non est secunda vena, sed purgatio adhibenda: inquit, enim Hipp. Experientia ductus, phlebotomiam non soluere dolorem, nisi ad clauiculam pertingat. Gal. tamen phlebotomiam permittit. Valisius, & alij Galenum sequuntur: sed nos experientiæ Hippocratis magis credimus Duretoque, & Martiano, quā Galeni opinioni: sed placet Dureti Verba afferre, vt cognoscāt Itali veræ scholæ Parisiensis dogmata, qui scripsit in coacis de pleuritide num. 9. *tale sputum promoueri debet ijs, quæ expurgationem iuuant, molliendo, leniendo, & sputum ciendo, non autem sanguinis detractiōe retrahi, & impediri, quod usu venire videmus, non sine mœrore, & nemesi ab istis pragmaticis vulgo dictis, qui omnem pleuritidis curationem exigunt in sang. detractiōe sapius iterata quamdiu pleuriticus huiusmodi sputa expurgat cum spe salutis prediuite. O homines Republica cala-*

calamitosos, atque funestos ! Ipsam pleuritidem quæ sua sponte nullius operis indigens cum tali spūto quiesceret ex euentu reddunt mortiferam sed hic addere liceat, quod Cel. Aurel. ex Asclepiade c. de Pleuritide, & ex hoc P. Martianus in Antiparalogismo, atque Holler. 1. aph. 2. referunt, obseruasse nimirum veteres, pleuriticos, quibus secabatur vena Romæ, & Athenis male habere, quod vtraque ciuitas magna ex parte esset obuersa austris; contra in Paro, & Helesponto bene habebant, quia hi obiecti sunt ventis septentrionalibus. sic Narbonenses Medici (inquit Holler.) reprehendunt Medicos Parisienses, tanquam ad aperientiam venam audaciores. At Parisiys facile phlebotomiam ferunt, quia perflatur à ventis aquilonibus. Narbonenses verò, & Lugdunenses non ita facilè, ea præsertim parte, quæ austrum, & mare mediterraneum spectat. Quo fit, ut Parisienses pleuritici bene habeant à missione sang. Narbonenses verò, ac Lugdunenses lædantur.

Decimonono. Prohibet venæ sectionem; 19 Nocæ.
Hipp. si ager auersetur cibos, in cibi fastidio: ideo dixit nunquam satis Laudatus Auicennas. Caue præterea tibi ne fastiditum phlebotomes; sed prolonga ipsum ab hoc, ut ei fastidium digeratur. Et tibi etiam caue, ne subtilitatem sensus oris stomachi habentem, aut ipsius debilitatem, phlebotomes, & infelicem, ex generatione cholerae rubrae in ipso; huiusmodi namque sibi

In cibi fastidio.

cauere debet à nimia quoque audacia in minuendo, & proprie quàm est ieiunus. Sensus verò subtilitatem oris stomachi habentem dignosces, propterea quod à rerum mordicantium deuoratione molestat. Et habentem oris stomachi debilitatem cognosces ex desiderij ipsius debilitate, et doloribus oris stomachi, & habentē os stomachi aptum receptioni cholerae rubrae, & in quo ipsa etiam multum generatur dignosces ex perseuerantia nausae ipsius, & propterea quod cholerae quaque hora vomit, & ex oris ipsius amaritudine. Isti namque quum phlebotomati fuerint, oris stomachi conseruatione non praemissa, accidet inde timor magnus & quandoque moriuntur inde. Sed à Galeno edoctus fuit Auicenna. 9. meth. cap. 5. Quibus os ventris, aut amara bile abundat, aut imbecillum est, aut supramodum sensibile à sanguine detrahendo debortantur. Martianus censuit Ventriculi hoc fastidium oriri à bile, & ideo nocere phlebotomiam: lacotius verò ait, quod inappetentia venæ sectionem in febribus prohibet, cum à crudis humoribus existit. Duretus autem pluribus doctissime ostendit in cibi fastidio dicto sine febre non esse secandam Venam; signum enim est ventriculi exoluti, & facultatis eius emortuae, vel à catarrho viciatae, & ait. Hic venam secare, nihil aliud est, quàm hominem iugulare: quoniam venæ sectio, periculi loco adijcit, ac viribus detrahit ipsasque iam morbo fractas, ac genio defraudato
per

Phleb. nocet biliosis.

per τὴν ἀποτίτιαν collapsas ad exitium planè precipitat.

Vigesimo. Prohibetur ab Hipp. Venæ sectio si quis habeat tumidum Hypochondrium Holler. ait. *Potest quidem attolli flatibus, ubi non conueniat phlebotomia. Potest tumore laxo, & indolente tuberculo, ubi nec ea tam prodesse, quam nocere potest.* vult tamen in Hypochondriorum inflammatione omninò secari venam. Iacotius non dissidet, quia in scirrho cōfirmato, aut multis cruditatibus circa iecur collectis, aut cum à flatu est, non iuuatur à venæ sectione. At Duretus tres adducit causas Hypochondriorum inflatorum: inflationem, inflammationem, scirrhum: & inflammationi concedit sang. missionem, negat in scirrho, & flatu, ne maior cruditas, quæ flatuum parens est, ex sang. missione excitetur calore minuto. Botallus tamen amethodus in omnibus doloribus à flatu, & in causa frigida, et in omnibus partibus, vult secari venam. Sed Martianus censuit Hipp. verba facere de Hypochondrio tumido propter bilem: nam febris adesse videtur, qua præsentē Hipp. prohibet venæ sectionem vt 5. in 2. Epid. vers. 10. *Si verò ulcus fuerit internas venas secato, si non febricitet, & paulo infra. ver. 18. Quicunque de repente voce destituuntur si sine febre fuerint venam secato.*

20. Notæ.

In Hypocōdrio tumido.

Feb. prohibet aliquādo phleb.

Vigesimoprimo. Alterum etiam nocuumēntum à M. Rullando de Venæ sect. scriptum & à me

21. Notæ.

Longa cō-
ualefcētia:

& à me, ac meis Romanis medicis obseruatum, quod, qui multa vñ sunt sanguinis euacuatione longissimam habent conualefcētia: habitus enim refrigeratus, penuria sang. & caloris, ac Hepar imbecille, non sinunt ægrū adipisci robustas vires, & Gal. id docuit. 9. meth. 10. vt supra pag. 54. scriptum à nobis est.

22, Nos.

Articuli
lęsi à phle-
bot.

Vigesimo secundo. Abusus est venę sectionis in affectibus articulorum. quos Hipp. non venę sectione, sed purgatione curare tētat: per bellē autem Bonauent. Grangerius in sua admonitione ad Botallum p. 87. ostendit venę sectionis abusum in hoc casu. *nam Experientia sępe didicimus (inquit) frequentem sanguinis detractiōnem Arthriticos pręsenti quiddē molestia liberare, sed maioris postea in morbum procliuitatis occasionem esse.* refrigeratur enim corpus ex quo dolor quiescit, & fluxio tunc reuellitur, sed corpus fit debilius, coctio vitatur, excrementaque in corpore augentur, nam *Calor imminutus pro laudabili sanguine serosum gignit, qui à partibus, quę articulos circumamplectuntur, ad nutritionem attractus, in alimentum partis cedere nequit, partium imbecillitate, & sanguinis attracti vitiosa qualitate vnā conspirantibus, vnde articulorum dolores recrudescent.* Ego autem vidi aliquos, qui in dolore podagrico Hirudines parti affectę applicabant, & statim dolor sedabatur, sed breui redibat cum oedema-

Historia.

te,

te, & acerbior ob refrigeratam particulam.

Vigesimaltertio. Abusus est, quem ex Ludou. Sept. in Animad. med. lib. 4. num. 2. afferre libet. *In sanguine detrahendo cauendum maxime, ne quanto putriorem, & deterioris conditionis sanguinem è vena profluere viderimus tanto maiorem quantitatem effluere sinamus, quod plurimos facere obseruamus: tali enim existente sanguine: & pauciores subesse spiritus constat, & vires facillime solent collabescere.* optimè autem scripsit longa experientia edoctus, putredo enim per venæ sectionem non tollitur, teste Gal. sed per purgationem: Gal. autem 1. ad Glau. cap. 11. in Quartana. *Si vena incisa (inquit) is qui fluit, niger videatur ac crassus (præcipuè verò in ijs, qui liene laborant, huiusmodi visitur) audacius mittendus est. qui si flauus, aut tenuis apparuerit statim supprimendus.* & subdit Steph. Atheniensis in com. metus enim esset, ne eo vacuato vires dissoluerentur. nam si vitiosus non est, cur euacuandus? non videtur esse vitiosus, quia non apparet crassus, & Melancholicus, qualis debet esse ad efficiendam Quartanam, si verò fuerit niger large vacuandus, quia febris materiam suggerit, & illa nigredo indicat affationem, quæ minuitur Venæ sectione refrigerato corpore. putredo autem non tollitur.

23. Noct.

Ne sang.
putridus
extrahatur

Sang. optimus
nō mis-
tendus.

Vigesimoquarto. Admonemus iuniores Medicos nostrosque discipulos ne sanguinem mit-

24. Noct.

mit-

Immodica
Venus.

mittant ijs, qui immodica Venere sunt vfi. *Tibi Cave* (inquit) *in minutione sang. post coitū.* Sed Botallus. cap. 18. id negat & ait lumen-
dam indicationem à morbi specie, ac magni-
tudine, & Venarum plenitudine, ac se multis
post coitum ægrotantibus copiosè sangui-
nem demisse, quamuis enim copiosa fiat spiri-
tuū animalium, & vitaliū resolutio, non tamen
fit tanta materiæ in venis existentis inanitio,
vt si contigerint renum inflammationes, quæ
plerumque à nimio concubitu fiunt, sang. non
debeant mitti? cum dictæ inflammationes
affluente sanguine calidior ad partes motu,
& labore calefactas, vel accedit feb. & sæpe
præcessit vsus calidiorum, multorumque ci-
borum ad roborandum coitum.

Botallus.

Responsio.

Resp. etiam si morbus phlebotomiam requi-
rat, tamen non existente viriū robore, non esse
peragendam. ex multa enim venere. (vnam
enim vicem non numero, quamuis quosdam
etiam viderim ob vnicam vicem obiisse in-
tempestiuè factam) virium robur exoluitur
vnde Gal. 3. in 3. Epid. 87. *Venus nervis &
Cerebro nocet, vires elidit, & debilitat.* & 5. in
6. Epid. 26. *Venus exiccat omne corpus.* & Aet-
tius. ser. 4. cap. 41. *Venus* (inquit) *maximè de-
bilitat corpora natura imbecillia, rarefit ipsis
cutis ex vehementi motu, & plurima fit per
transpirationem discussio, ac exhalatio, & pro-
pterea siccitas, aliquando etiam frigiditas sequi-
tur, tum propter raritatem, tum propter caloris*

Hipp. non
purgat de
lassatos à
Coitu.

tran-

transpirationem, ac sudores. Hipp. autem 4. Acut. 115. negat med. ijs dandum esse, qui ex Venere laborant morbo. cuius ratio desumi potest, quia l. de Genitura initio, secernitur (inquit) quod in corpore robustissimum. Argumentum est, quod Veneris usu paucula adeo re emissâ imbecilles reddimur. & cur Eunuchi debiles, an quia semine carent?

Vigesimoquinto. Aliquando sanguinis emissio sterilitatem inducit. Hipp. de aere aquis, & loc. num. 51. de Genitura. 3. de locis in hom. 7. Venas retrò aures sectas sterilitatem inferre scripsit. Nam ea sectione facta & multo sanguine emanante somnus scythas corripit præ imbecillitate. hæc igitur venæ sectio maxime debilitat, forte, quia per eam multi spiritus Animales resolvuntur: unde corpore refrigerato, & debilitato non arrigitur. idem nos contingere dicimus etiam alijs venis nimis copiosè, & frequenter euacuat; quia corpus violenter refrigescit: ex quò morbi frigidi oriuntur, inter quos est privatio coitus, & sterilitas ob semen infœcundum, & qui fœcundus esse potest, in corpore imbecilli? redditur certè semen frigidum, & quale est decrepiti senis. auditè fernel. l. 2. meth. med. c. 16. *Neque tamen confidentius, atque audaciùs, crebrior venæ sectio adeunda. non parum enim spiritus calorisque demit, ac in senectutem immaturam, & hanc morbis gravibus obnoxiam, præcipitat: cuiusmodi sunt Ca-*
che-

25. Nees.

Sterilitas.

Fernelius.

cbexia, Hydrops, Arthritis, Tremor, Paralifis, Apoplexia, Impenfius enim refrigerato natiuo calore, humidoque primigenio imminuto, viscera languescunt cruditas dominatur, quot maiorum causa fit, atque origo. ecce quid statuit Parifiensis Hippocras de frequentiphlebotomia. Gal. autem de cucurbitulis cap. 4. Eodem anno venam frequenter incidere, minimè quidem rationi consentaneum arbitramur, quandoquidem cum larga sanguinis copia vitalis quoque spiritus emittitur, quo sanè absumpto, crebrius quidem, moles uniuersa frigescit, tum naturales functiones omnes deteriores redduntur. Iubertus etiam prohibet frequentem phlebot.

Quæ possēt
afferri.

Possent multa alia afferre de abusu Venæ sectionis in cacochimia. Obstruc. in febribus putridis, & intermittentibus, & pestilentibus, in peste ipsa, in Variolis, in morbillis, in scabie, Dysenteria, & in alijs morbis, dum aliqui sine distinctione vlla, absque methodo omnibus promiscuè dictis affectibus sæpe, & copiosè sang. mittere non cessant. sed video Epist. hanc quam breuem esse volebam, nimis excreuisse ergo receptui canam, iterum, atque iterum admonens discipulos meos, quos præ Urbani VIII. P. M. benignitate, & Illust. Card. Barberini humanitate pro officio instruere debeo, ne se permittāt seduci ab abusu aliquo, vt magis quam conueniat Morbo, Regioni, aeris constitutioni, ætati, habitui exercitio, temperamento, viribus, & alijs considerandis ante
phle-

Admonitio

phlebotomiam. ægrotantibus sanguinem educât, sciantq; deterius esse peccatum in excessu, quam in defectu; nam excessus tendit ad mortē, nec à natura, vel arte emendari potest, defectum verò sapa natura supplet, & ars iterū perficit. Et inter omnia dum Romę commoratur animaduertât, & credant Veterū nostrorum Experimentis rariùs in hoc cælo magnā conuenire sang. euacuationē; quæ tamen quādoq; non est prohibenda Credantq. magis experimentis plurimorū Medicorum, quā vnius, vel alterius. Atque fidem adibeant ijs, quæ præclarissimus Alex. Petronius Gregorij XIII. P. M. medicus, vir insignis, & in medica arte excitatissimus. l. 1. de Viâ Rom. c. 2. scripsit. hisce verbis. *Cum his quoq; illud memoria perpetuo tenendum est, quod hic aer, ut frumenta, & cetera, quæ nos alunt, celeriter macerat; sic nostra corpora, & flaccida, & ut vulgo dicitur frolla, latinè forsan fracida, continuè reddit; adeò mirum non sit si neque copiosam sang. missionem, neque insignem purgationem, hic facile tolerant.* recte igitur cum Auic. dicere possumus Medicis sanguinem missuris *Caue, Caue:* nam plurima imminent pericula ex abusu sang. missionis, & quotiescumque Auic. dixit *Caue* sequutus est Hipp. atque Galenū, eandē venæ sectionem cautē, & non temere faciendā prius docentes. sed mirum profecto est quosdam reperiri, qui dicant se in Nosodochijs curantes pauperes, egenos, ob inedia, præ-

Alex. Petronius.

Abusus.

uum victum, paupertatem, labores, frigora, calores, & huiusmodi alia egrotantes, frequentiore, & copiosiore in ijs adhibere vacationem sanguinis, quod expresse est contra Galenum, rationem, & vera experimenta artis, qui. 11. meth. c. 15. *Sanè accidit (inquit) ut in eiusmodi morbis (idest præcordiorum phlegmone) diuites potius, quam pauperes perperam curentur : quia inter initia quidem sanguinis missionem maior eorū pars propter molliem non admittit, tamen si magis, quam pauperes redundantia sanguinis affectibus sunt obiecti, ut qui magis, tum cibis se impleant, tum in ocio viuant . tandem concludam, studiosi Iuvenes ,*

Conclusio. Venæ sectionem sapienter esse adhibendam cautè, & liberaliter, non temerè, non excessiue, neque defectuosè, propter ea, quæ exposui pericula, deducunt ad vltimum terribilium idest Mortem, & hæc de abusu Venæ sectionis sint satis. in sequenti epistola tradam verum, ipsius vsum, & idoneum phlebotomiæ modum, tempus, quantitatem &c. Valete interim, & plaudite .

F I N I S .